

Saveeŋ To Ipaghazoŋan Ŋgar Yoŋgaan To Maaron

Kamapim Tok Hait

1 ¹Saveeŋ tonene isavia mbeb to muuŋ tineep ŋgozaan ila to Maaron moghon, ve aazne Yesu Kriŋi ivotia di tivot tighazoŋ wa. Maaron ighaze mbesooŋa to Kriŋi tiwatag mbeb to mala maau pale tivot titaghon ŋgar toni. Tauto igham saveeŋ tonene pa Kriŋi. Ghoru Kriŋi ana imbaan aŋela toni inim ivotia saveeŋ tonene pa you Yoan, mbesooŋa toni.

²Mbeb naol to rau tonene isavia di ne, taug naghita di pa matag. Tauto napariaan saveeŋa naghaze nene saveeŋ onoon to Maaron to ipariaan tamtoghon pa tighur ila to Yesu Kriŋi.^a

³Saveeŋ to nambooda ila rau tonene, nene Maaron tau aliŋa to iŋarua ghiit. Sei to ighaze iwaata pa tamtoghon, nene pale poia to Maaron iza toni. Ve yes to tilooŋa ve titaghon ne paam, poia to Maaron pale iza todi. Pasa, sawa to saveeŋ tonene anoŋa ivot, nene inim igharau wa.^b

Rau tonene iŋarua lupuuŋ liim ve ru to Kriŋi

⁴You Yoan. Nambood rau tonene ilat to yam lupuuŋ liim ve ru to Kriŋi to aneep izi taan suruvu to Asia. Maaron toit, ye ineeŋ irau sawa isob. Ineeŋ muuŋ, ineeŋ aazne, ve muri ye pale inim. Ye tau, toman Yesu Kriŋi, ve Avuvu liim ve ru^c

to tineep ila Maaron mata igharau ina to ghamuuŋ pooz, poia todi pale iza tiam, ve tiŋgin gham aneep pooi toman lolomim luuma. Onoon. ⁵Yesu Kriŋi, ye lolo ee moghon, ve ipariaan saveeŋ onoon. Leso tamtoghon tighur ila. Ye to imundig pa mateeŋ muuŋ. Ve ye imuuŋ pa mbeb to naol

a 1:2 Dan 2:28+; Syg 22:16 **b 1:3** Lu 11:28; Syg 22:7,10 **c 1:4** Sawa naol, ighaze Yoan isavia mbeb liim ve ru, nene pughu tovene. Mbeb tonenen, pida maau. Nene mbeb ee moghon, ve dodoli. Ve mbeb tonenen poia kat ve deŋia moghon. Le sosor eta maau. Ndiran ŋgara pida tighaze avuvu liim ve ru tonene tiza to Avuvu Patabuanj. Eemoghon ŋgara pida tighaze avuvu liim ve ru tonene, nene aŋela liim ve ru to timuuŋ pa aŋela tisob.

ne, ve iŋgin kinik tisob to taan. Ye lolo pait kat. Tauto siŋ toni imaliŋ ve imaat pa sosor toit, ve ipas ghiit tavot pa samia tapiri.^d

⁶Ve igham ghiit tanim ye tau le. Leso tapatoonj pooz toni pa tamtoghon, ve tambees pa Tama Maaron tanimale ndiran to watoonjrau. Yesu Kriŋi, ye iza tiina pa tapiri ve poia toni, ve iŋgin mbbeb tisob. Tovenen iit tapaiti to aazne ve itagthoni tagthoni gha ila. Onoon.^e

⁷Aghita. Ye pale ineeŋ ila yaghur tae ve inim, ve tamtoghon tisob tighita pa matadi.

Yes to tirabi imaat ne paam, pale tisob tighita.

Tovenen ndug tisob to taan pale tighita, ve titaŋ tiina.

Onoon kat. Mbbeb tonene pale ivot.^f

⁸Tiina toit Maaron ineeŋ irau sawa isob. Ineeŋ muuŋ, ineeŋ aazne, ve muri ye pale inim. Ye tapiri tiina kat. Ilib pa mbbeb to naol ne. Ye isaav ighaze: “You naneep muŋgaaj, ve naneep muri kat. You nanim pughu pa mbbeb tisob, ve you to napasob di.”^g

Kriŋi ighur uraat pa Yoan ighaze imbood saveenj tonene

⁹You Yoan, toŋvetaz tiam. You nanim itamim ite pasa, Yesu igham ghiit tanim le, ve itiaŋ taneep ila pooz toni lolo wa. Tauto tamtoghon tighurghur pataŋani pait. Eemoghon iit tayoon ariana pa badoonj pataŋani to ighamgham ghiit ne. Aazne, tizurun ghou nanim naneep izi mutu Patmos pasa, navotia Maaron aliŋa pa tamtoghon, ve napariaaŋ di pa tighur ila to Yesu.^h

¹⁰Sawa patabuaŋ eez to Tiina toit, you nasuŋsuŋ, ve Maaron Avuvu tapiri iza tiou. Ghoru naloonj bobaŋ eez inim pa murig. Avolutu tiina inimale tavuur itaŋ.ⁱ

¹¹Isaav ighaze: “Mbbeb to yom ughita di ne, umbood di ila rau, ve usaŋgoora ila to lupuuŋ liim ve ru to Kriŋi to tineep izi ndug tonene: Epesus, Smerna, Pergamum, Tiatira, Sardis, Piladelpia, ve Laodisia.”

¹²Tovenen natoor ghou naghaze naghita sei to isavsaav payou. Sawa to nandaleel, you naghita lam aiadi liim ve ru to tigharaat di pa gol, ¹³ve ŋgeu eez iyoon ila bodbodaaj to lam aiadi tonowen. Nagho inimale Tamtoghon Natu. Ye indudi pa nonogiiŋa mala to ipoon avara le ila izila tuŋja ila aghe. Ve mbbeb milmlia to tigharaata pa gol iluvut ate. ¹⁴Daba raua moom ve ipisosoŋ kat inimale sipsip oro ma yaghur tae pisosoŋa. Ve mata inimale yab yama.^j ¹⁵Aghe milmlia inimale mbaras to yab

d 1:5 Mbo 89:27; Yo 18:37; 1Kor 15:20; Syg 19:16 **e** 1:6 Igham 19:6; 1Pe 2:9; Syg 5:10 **f** 1:7 Dan 7:13; Sek 12:10; Mt 24:30 **g** 1:8 Mbo 90:2; Is 41:4; Syg 22:13
h 1:9 Mbaŋ 14:22; Ro 8:17; 2Tim 1:8, 3:12 **i** 1:10 Igham 19:16,19-20 **j** 1:14 Saveenj waaro tonene, ŋgara tovene: Yesu ineeŋ muuŋ ve inim, ve ye le ŋgar tiina kat. Ve ye ighita mbbeb tisob. Mbbeb eta irau iyoonj pani maau.

ighani le muun ighau ve ŋgalaŋa kat. Ve aliŋa, nene inimale ndug to ya tiina iyatyaat izizi toman avolutu tiina.^k

¹⁶Ye ikis pitum liim ve ru ila nima waan, ve buza eez ineep ila avo. Buza toni mata kat. Ve buza tonowen, ye mata ru. Ŋgeu tonowen nagho isul inimale ndag to ighaaz kat.^{l m}

¹⁷You naghita ŋgeu tonowen le tapirig isob, ve natap izi aghe pughu nanimale tamtoghon to imaat. Eemoghon ye ikis ghou pa nima waan, ve isaav payou ighaze: “Umatughez malep. You to naneep muŋgaŋ ve naneep muri kat. You nanim pughu pa mbeb tisob. Ve you pale nanŋin di tovene le taan sawa. ¹⁸You naneep matag iyaryaar irau sawa isob. Muuŋ, you namaat. Eemoghon ughita. Aazne, naneep matag iyaryaar. Ve you pale naneep tovene le alok. You to nanŋin mateeŋ ve ndug to yes mateeŋa. ¹⁹Tovenen umbood mbeb to ughita di ne. Mbeb tonene, aazne pida tivotvot. Ve pida pale tivot muri. ²⁰Pitum liim ve ru to yom ughita di tineep ila nimag waan ne, toman lam aiadi liim ve ru, nene pughu yoŋgaŋ. Pughu tovene: Lam aia liim ve ru, nene tiza to lupuuŋ liim ve ru to Asia to nawaat izadi. Ve pitum liim ve ru iza to aŋela liim ve ru to tiŋin lupuuŋ tonowen.”ⁿ

Krisi aliŋa iŋarua lupuuŋ to ndug Epesus

2 ¹Ŋgeu tonowen isaav payou muul ighaze: “Aŋela to iŋgin lupuuŋ tiou to tineep izi ndug Epesus, umbood saveeŋ ila pani tovene:

‘Ŋgeu to ikis pitum liim ve ru ila nima waan, ve ilaghlaagh ila lam aia milmilia liim ve ru lolodi, aliŋa ilat payom ighaze:

²‘Ŋgar ve uraat naol to yom^o

ughamgham di, you nawatag di tisob. Yom urab taum pa uraat tiou, ve uyoon ariana pa badooŋ pataŋani. Ve yes to tighamgham ŋgar samia, yom ughurghur di maau. Ve yes to titoom tighaze yes mbaŋooŋa to Krisi, yom uŋgabiiz katin di, ve ughilaal di ughaze yes ndiran to kaarom.^p

³Pataŋani naol tivotvot payom pasa, yom utaghon ghou ve uvotia izag. Eemoghon uyasiil maau. Tinim iza ve uyoon ariana.^q

⁴Eemoghon mbeb eez, to you narere ghom pani. Sawa to ughur inim tiou muuŋ, lolom payou kat. Eemoghon aazne, lolom payou kat maau.

k 1:15 Dan 7:9,13, 10:5+; Syg 19:12 **l 1:16** Saveeŋ waaro tonene, ŋgara tovene: Yesu mata pa lupuuŋ toni, ve saveeŋ toni inim buza pa iparab pani ve itatan ŋgar samia.

m 1:16 Mt 17:2; Ep 6:17; Hib 4:12 **n 1:20** Grika tiwaat ‘mbaŋooŋa’ ila aliŋadi tighaze ‘aŋela.’ Tovenen ŋgara pida tighaze aŋela liim ve ru tonene tiza to tamtoghon liim ve ru to tiŋin lupuuŋ liim ve ru to Krisi to tineep izi Asia. Ve ŋgara pida tighaze aŋela tonene, nene tamtoghon liim ve ru to lupuuŋ tonowen timbaŋ di tila to Yoan. Ve pida tighaze aŋela tonene, nene aŋela tau to tiŋin lupuuŋ to Krisi tonowen. **o 2:2** Saveeŋ to Yoan imbooda pa lupuuŋ liim ve ru to Krisi, ighaze ughita saveeŋ ‘yom’ ineep ila, ugham ŋgar ughaze saveeŋ iŋarua tamtoghon ee moghon malep. Saveeŋ toni iŋarua tamtoghon tisob to lupuuŋ eŋaŋa. **p 2:2** 2Kor 11:13; 1Yo 4:1 **q 2:3** Hib 10:36, 12:3+

⁵Matam iŋgal ŋgar to muuŋ ughami. Pasa aazne, yom utap tiina. Tovenen utoor ŋgar tiom, ve utaghon ŋgar to papazogi ughami. Ighaze maau, you pale nalat ve napas lam tiom aia ighau pa ina.^r

⁶Ve ŋgar tiom ite to you naghita poia, nene vene: Yes to titaghon ataam ru tinimale Nikolas,^s
yom ughur koi pa ŋgar todi tonowen animale you.

⁷Tamtoghon to ighaze le taliŋa, ye irau ilooŋ saveej to Maaron Avuvu isavia pa lupuuŋ to Krisi. Ighaze tamtoghon eta iyoon ariana ve ilib pa tovaan, you pale nayok pani, pa ighan ai anona ila ai to iyoon ila uum to Maaron lolo. Leso ineeq mata iyaryaar le alok.^t

Krisi aliŋa ijarua lupuuŋ to ndug Smerna

⁸“Aŋela to iŋgin lupuuŋ tiou to tineep izi ndug Smerna, umbood saveej ila pani tovene:

‘Ijgeu to ineeq muŋgaan, ve ineeq muri kat, aliŋa ilat payom. Ye to imaat ve imundig mata iyaryaar, isaav payom ighaze:^u

⁹“You nawatag: Patajani naol toman mbolaan tiina igham ghom. Eemoghon you naghita ghom naghaze yom uraua kat pa ŋgar naol to Maaron. Ve you nawatag: Yes Yuda pida to yamŋa anepneep, tiŋgal saveej naol payom. Onoon, ndiran tonowen tiparim taudi tighaze yes Yuda. Eemoghon yes Yuda tau maau. You naghita di naghaze yes lupuuŋ to Sadan.^v

¹⁰You nasaav payom: Mala maau pale patajani ite paam ivot payom. Eemoghon umatughez malep. Ijgeu Samia pale ipazaagh tamtoghon ve tighur tamtoghon tiom pida tilooŋ tila ruum to yabyabuun. Patajani tonenen pale itoov ghurla tiam. Eemoghon pale igham gham irau mboŋ saanŋul moghon, ve isob. Tovenen akis ghurla tiam tuŋia le sawa tiam to mateeŋ. Leso naghama lemim atia to yes to tiyoon ariana ve tilib pa tovaan. Atia tonowen, nene nepoon to taneep mataad iyaryaar le alok.^w

¹¹“Tamtoghon to ighaze le taliŋa, ye irau ilooŋ saveej to Maaron Avuvu isavia pa lupuuŋ to Krisi. Ighaze tamtoghon eta iyoon ariana ve ilib pa tovaan, ye pale ineeq pooi. Pasa, mateeŋ to inim ru pani, nene irau igham mbeb eta pani maau.^x

Krisi aliŋa ijarua lupuuŋ to ndug Pergamum

¹²“Aŋela to iŋgin lupuuŋ tiou to tineep izi ndug Pergamum, umbood saveej ila pani tovene:

r 2:5 Hib 10:32+ **s 2:6** Nikolas, ye ŋgeu eez to muuŋ isavsavaa pa yes Kristen tovene: Ighaze tila toman yes to tikankaan pa Maaron pa ŋgar todi, ma tighur maat, ma tighan aniiŋ to tipait maaron kaaromŋa pani, nene mbeb sorok. Maaron irau mata ila pa ŋgar todi tonowen maau. **t 2:7** Mbnp 2:9, 3:22; Syg 22:2,14 **u 2:8** Syg 1:18 **v 2:9** Yo 8:39+; Ro 2:28+; Yems 2:5 **w 2:10** 2Tim 4:8; Yems 1:12 **x 2:11** Syg 20:6,14, 21:8

Ņgeu to aliŅa ilat payom, buza toni mata kat. Ve buza tonowen, ye mata ru. Ye isaav payom ighaze:^y

¹³You nawatag: Sadan ina to ghamuŅ pooz ineep izi ndug to yom uneepp pani, ve ye ighamgham uraat toman tapiri tiina tonanan.^z MuuŅ, tamtoghon tiom eez, iza Antipas, lolo ee moghon ve ipariaaŅ saveenj tiou. Imatughez maau, ve ipul muri payou maau. Tauto tirabi imaat izi ndug tiam. Eemoghon sawa tonenen, yom upul ghurla tiom maau. Ve aazne paam, yom ukiskis izag sone.

¹⁴⁻¹⁵Eemoghon Ņgar tiom pida, you narere ghom pani. Pasa, tamtoghon tiom pida, titaghon Ņgar to Balam. Nene nasavia yes to titaghon Nikolas toman ndita Ņgar todi. Matam ingal. MuuŅ, Balam ipatoonj Balak pa ataam to iweu yes Israela pa ghamuŅ Ņgar samia. Tauto igham di titap pa ghurla todi, ve tighur muridi pa Maaron, ve tighan aniiŅ to tipait maaron kaaromŅa pani, ve tighur maat.^a

¹⁶Tovenen utoor Ņgar tiom. Ighaze maau, you pale natal tiom rikia moghon, ve naparab toman ndiran tonanan pa buza to ineepp ila avog ne.^b

¹⁷Tamtoghon to ighaze le taliŅa, ye irau iloonj saveenj to Maaron Avuvu isavia pa lupuuŅ to KriŅi. Ighaze tamtoghon eta iyoon ariana ve ilib pa tovaan, you pale nagham a aniiŅ manna to ineepp iyoonj izi ndug sambam. Ve nagham le yaam pisosoonja eez to timbood iza paghu ila. Iza tonowen, eta iwatagi maau. Tamtoghon to igham yaam pisosoonja tonowen, ye moghon to pale iwatagi.^c

KriŅi aliŅa iŅarua lupuuŅ to ndug Tiatira

¹⁸“AŅela to iŅgin lupuuŅ tiou to tineep izi ndug Tiatira, umbod saveenj ila pani tovene:

‘Maaron Natu, mata animale yab yama, ve aghe milmlia animale mbaras to yab ighani le muun ighau ve Ņgalaana kat. AliŅa ilat payom ighaze:^d

¹⁹Ņgar ve uraat naol to yom ughamgham di, you nawatag di tisob. Yom lolom payou ve tamtoghon paam. Ve ughur inim tiou ariana, ve umbees payou kat, ve uyoon ariana pa badoonj pataŅani. Ve uraat tiom to aazne, nene ilib pa uraat to ugham di muuŅ.

²⁰‘Ve mbep ee moghon to you narere ghom pani. Liva samia eez ineepp toman ghom. Ye iwaat tau ighaze ye propet to Maaron. Eemoghon Ņgar toni, nene animale Yezebel to muuŅ ighamun Ņgar to yes Israela. Saveenj

y 2:12 Syg 1:16 z 2:13 Artaal tiina kat to maaron kaarom to yes Grika, iza Zeus, iyoon izi Pergamum. Artaal tonowen, ghitoonja animale kinik ina to ghamuŅ pooz. Ve rumai tiina eez to yes Roma iyoon izi Pergamum paam. Pasa, yes Roma tighaze tamtoghon tisunj pa kinik to Rom ve tipaiti animale ye Maaron. a 2:14-15 Nam 22:5, 25:1+, 31:16; 2Pe 2:15 b 2:16 Syg 1:16, 19:15,21 c 2:17 Igham 16:14+; Is 62:2; Yo 6:48+; Syg 3:12, 22:4 d 2:18 Syg 1:14+

kaarom to ye ivovotia, nene ipaghau mbesooņa tiou pa ataam tiou. Tauto matadi samia tinimale ngavuun, ve tighanghan aniņ to tipait maaron kaaromņa pani. Ve yom neneeņam pani moghon. Ugham nģar eta pani maau.^e

²¹ You naghur soso pani naghaze itoor nģar toni ve ipul nģar toni to ghuruuņ maat.^f

Eemoghon ye lolo pa itoor nģar toni ve ipul nģar samia tonowen maau.^g

²² Tovenen you pale naghām moroghoon samia ivot pani. Ve yes to tiluplup tomani pa nģar toni samia ne paam. Ighaze titoor nģar todi maau, nene pale naghur pataņani tiina iņarua di. ²³ Ve Yezebel ndinatu paam,^h

you pale narab di tisob timatmaat. Leso lupuuņ to Kriši tisob tiwatag tighaze you natirtiir tamtoģhon lolodi ve nģar todi. Ve you pale naghur atia iņarua yam eņaeņa itaģhon nģar tiam tiam.ⁱ

²⁴ Eemoghon yam pida to ndug Tiatira ataghon Yezebel nģar toni maau. Ve saveeņ toni to tiwaata tighaze “Sadan nģar toni yoņgaan,” yam awatagi maau. Tovenen you nasaav payam naghaze irau naghur pataņani ite paam iza tiam maau. ²⁵ Eemoghon yam irau ayoon ariana, ve akis nģar to Maaron to ineep tiam ne tuņa, le sawa to namuul nanim.

²⁶⁻²⁸ Ighaze tamtoģhon eta iyoon ariana ve ilib pa tovaaj, ve itaģhon nģar tiou le indeeņ sawa toni isob, nene pale naghur ndug ndug tineep ila samba ve igham pooz padi, inimale Tamaņ Maaron ighur di tineep ila you sambag. Ve pooz toni pale iyaryaaj kat. Ye pale irab matin ndiran samsamiadi tapiridi, inimale tamtoģhon to irab balagin uur ve imbiriiis.^j Ve you pale naghām pitum Daga to mboņmaagh pa tamtoģhon tonenen paam.^{k l}

²⁹ Tamtoģhon to ighaze le taliņa, ye irau iloon saveeņ to Maaron Avuvu isavia pa lupuuņ to Kriši.[’]

Kriši aliņa iņarua lupuuņ to ndug Sardis

3 ¹ “Aņela to iņģin lupuuņ tiou to tineep izi ndug Sardis, umbood saveeņ ila pani tovene:

e 2:20 1King 16:31+; Mbaņ 15:29; 1Kor 10:19+ **f 2:21** Saveeņ tonene, avaat saveeņ palelaaj. Saveeņ waaro naol to buk tonene to tisavia nģar to ghuruuņ maat, nene nģaradi tovene: Tamtoģhon tighur muridi pa Kriši ve timbees pa maaron ite tinimale liva to ipul azuwa ineep, ve ighur maat toman tamoot ite. Liva samia to Kriši isavia, ye iweuweu yes Kristen to ndug Tiatira ve timbesmbees pa maaron kaaromņa pida, inimale muuņ kinik Ahab azuwa Yezebel iweua ve ipul muri pa Yoova, ve imbees pa maaron kaarom Baal. **g 2:21** Ro 2:4; Syg 9:20+ **h 2:23** Yezebel ndinatu, nene yes to titagħoni pa nģar toni. **i 2:23** Mbo 7:9; Ro 2:6; 2Kor 5:10; Syg 20:12+ **j 2:26-28** Mbo 2:8+; 1Kor 6:2+; Syg 20:4 **k 2:26-28** Pitum Daga to mboņmaagh, nene iza to Kriši ve sawa paghu to pale ivot pa Mboņ Muri. **l 2:26-28** Nam 24:17; Is 60:1-3; 2Pe 1:19; Syg 22:16

‘Iŋgeu to Maaron Avuvu liim ve ru tineep tomani, ve ikis pitum liim ve ru, aliŋa ilat payom ighaze:’^m

‘Iŋgar ve uraat to yom ughamgham di, you nawatag di tisob. Tamtoghon tipait ghom toman lupuuŋ tiom tighaze nepooŋ tiam to anunumim, nene iyaryaŋ kat. Eemoghon you naghita ghurla tiam, nene imaat wa. ²Ugheen iraua! Umundig, ve upalot ghurla tiom ŋgiira to inepneep. Pa vene, isob kat. You nasaav tovene pasa, naghita ghom naghaze ŋgar ve uraat tiom, nene deŋia kat ila Tamaŋ Maaron mata sone. ³Aazne, yom unumale ŋgeu to igheen le lolo imaagh. Tovenen utoor ŋgar tiom. Saveej to muuŋ tisavia payom ve ughami, matam iŋgali muul ve utaghoni. Ighaze umundig maau, you pale nalat nakarmotin ghom nanimale ŋgeu yubyub. Pasa, sawa to you pale namuul nanim, yom uwatagi maau.’ⁿ

⁴‘Eemoghon yam to ndug Sardis, tamtoghon tiam pida tiŋgin taudi pooi, ve tiŋgel nonogiiŋa todi maau. Tovenen yes popoiadi irau to tindud di pa nonogiiŋa pisisooŋa,^o ve yeiŋa nilup ghei pa laghlaghoon.’^p

⁵‘Ighaze tamtoghon eta iyoon ariŋa ve ilib pa tovaŋ, nene pale you naghani le nonogiiŋa pisisooŋa, leso indudi pani. Ve iza to inep ila rau to nepooŋ mataad yaryaara, nene irau namusi ilale maau. Pale navotia tamtoghon tonenen iza ila Tamaŋ Maaron toman aŋela toni matadi, ve naghaze ye tamtoghon tiou.’^q

⁶‘Tamtoghon to ighaze le taliŋa, ye irau ilooŋ saveej to Maaron Avuvu isavia pa lupuuŋ to Krisi.’

Krisi aliŋa iŋarua lupuuŋ to ndug Piladelpia

⁷‘Aŋela to iŋgin lupuuŋ tiou to tineep izi ndug Piladelpia, umbood saveej ila pani tovene:

‘Nene saveej to Iŋgeu to patabuanŋ kat ve ighamgham ŋgar onoon moghon. Ye to ikis ki to David.’^r

Tovenen ighaze ye ikaak ataam, tamtoghon eta irau ipoona muul maau. Ve ighaze ipoon ataam, eta irau ikaaka muul maau. Ye aliŋa ilat payom ighaze:’^s

⁸‘Iŋgar ve uraat to yom ughamgham di, you nawatag di tisob. Onoon, yom tapirim tiina maau. Eemoghon matam kisin saveej tiou ve utaghoni, ve upesamun izag maau. Ughita. You nakaak ataam eez ila naghom wa. Ve tamtoghon eta irau ipoona maau.’^{t u}

m 3:1 Syg 1:4,16 **n 3:3** Mk 13:33; 1Tes 5:2-6; 2Pe 3:10 **o 3:4** Nonogiiŋa pisisooŋa, nene inim ghilalooŋ pa yes to ŋgar todi iŋgalaŋ ve deŋia moghon ila Maaron mata. Ve tiparab ariŋa ve tilib pa tovaŋ naol to Sadan. **p 3:4** Syg 6:11, 7:9+ **q 3:5** Mt 10:32; Lu 10:20; Syg 19:8, 20:12, 21:27 **r 3:7** Saveej waaro tonene, ŋgara tovene: Yesu iŋgin mbeb tisob ve ighamgham pooz padi inimale muuŋ David igham pooz pa yes Israela. Sa ŋgar to ye ighaze ighami, nene ye irau ighami. Mbeb eta ila muri maau. **s 3:7** Syg 1:18, 19:11 **t 3:8** Saveej waaro tonene, ŋgara tovene: Krisi igham ataam poia ivot pa yes Piladelpia tigham uraat toni. **u 3:8** 1Kor 16:9; 2Kor 2:12

⁹You nawatag: Yuda pida tighamgham patañani payom. Ndiran tonowen tigham izadi sorok tighaze yes Yuda. Eemoghon tigham kaarom. Pasa, yes titaghon katin Yuda ŋgar todi maau. Yes tineep ila Sadan lupuuŋ toni. Tovenen you pale naghham di tilat tiput aghedi izi aghem pughu, ve tipait ghom. Leso tighilaal tighaze you lolog payom kat.^v

¹⁰Pasa, yom matam kisin saveen tiou ve utaghoni, ve uyoon ariana pa badoon patañani. Tovenen you pale napaghau ghom pa tovaan tiina to pale ivot pa tamtoghon tisob to taan. ¹¹Mala maau pale natal. Tovenen uyoon ariana, ve ukis ŋgar to Maaron to ineep tiom ne tunja. Ighaze maau, nene pale atia tiom to isasaan ghom ne, irau ughami maau. Pasa atia tonowen, nene to yes to tiyoon ariana ve tilib pa tovaan.^w

¹²Ighaze tamtoghon eta iyoon ariana ve ilib pa tovaan, nene you pale naghuri inim ododeŋ pa ipambood rumai to Maaron tiou. Ye pale ineep tunja igharau Maaron. Irau tipasi muul maau. Ve you pale nambood izag paghu, toman Tamaŋ Maaron iza, ve Tamaŋ Maaron ndug toni iza paam izala tamtoghon tonenen pogho. Ndug tonowen, nene Yerusalem paghu to ineep to Maaron tiou izi ndug sambam, ve izi inim.^x

¹³Tamtoghon to ighaze le taliŋa, ye irau iloon saveen to Maaron Avuvu isavia pa lupuuŋ to Kriŋi.^y

Kriŋi aliŋa iŋarua lupuuŋ to ndug Laodisia

¹⁴“Aŋela to iŋgin lupuuŋ tiou to tineep izi ndug Laodisia, umbood saveen ila pani tovene:

“Nene saveen to ŋgeu to ighaze: “Onoon” pa saveen mbuaan tisob to Maaron, ve igham anoŋadi tivot ila uraat toni. Ye iyoon ariana ve ipariaan saveen onoon toman lolo ee moghon. Ve ye inim pughu pa mbep tisob to Maaron ighur di. Aliŋa ilat payom ighaze:^y

¹⁵Ŋgar ve uraat to yom ughamgham di, you nawatag di tisob. Yom unumale ya to ituntun kat maau, ve iyaun kat maau. You naghaze yom uneep ila ŋgar ru tonene eta, ghoru poia!^z

¹⁶Eemoghon maau. Yom uneep bodbodaan unumale ya to ituntun kat maau, ve iyaun kat maau. Tovenen ugham ghou ateg inaunau, ve rismoghon tone naluar ghom uvot pa avog. ¹⁷Pasa, yom usavsav ughaze: “You tonene, mbaliin tau. Nambool pa mbep eta maau. Narau mbep to naol ne.” Eemoghon you naghita ghom le lolog isamin ghom. Pasa, yom uneep sami, ve mbolaan tiina igham ghom. Ve matam pisi,

v 3:9 Is 60:14; Ro 2:28; Syg 2:9 w 3:11 2Tim 2:12; Hib 10:36+; Syg 2:25

x 3:12 Ga 4:26+; Hib 12:22; Syg 14:1, 21:2 y 3:14 Yo 1:3+; 2Kor 1:20; Kol 1:15+

z 3:15 Ndug eez to igharau ndug Laodisia, ledi ya tuntunu to iuluul yes moroghooŋa. Ve ndug ite to igharau di, ledi ya yaunja to poia kat pa ghunuun. Eemoghon ndug Laodisia ledi ya poia eta igharau di maau.

ve lem nonogiija pa upoon tinim maau. Eemoghon lem ghilaloon maau.^a

¹⁸Tovenen you nasaav payom: Yom irau unum tiou, ve ughol lem gol to yab ighani le muun ighau pani ve ingalaan kat. Leso unum mbaliinj tau to ndug sambam. Ve yom irau ughol lem nonogiija pisolooja, lesa upoon tinim pani. Pa vene, tighita ghom tinim nginiija, ve mayam. Ve ughol lem marasin pa matam. Leso ughuri ila matam, ve igham matam poia ve ughita ndug.^b

¹⁹‘Tamtoghon tisob to lolog padi, you nayaan di, lesa napasalungan di. Tovenen naghaze utoor ngar tiom, ve uzuaria ghom le ngar tiom denja kat.’^c

²⁰Ughita. You nayoon ila ataam avo, ve napitpit ataam. Ighaze tamtoghon eta iloonj alinag ve ikaak ataam payou, you pale naloonj nala toni, ve yeru nilup ghei ve nighanghan.^d

²¹‘Ighaze tamtoghon eta iyoon ariana ve ilib pa tovaan, nene pale you nayok pani pa yeru nineep ila inag to ghamuuj pooz, inimale you nayoon ariana ve nalib pa tovaan, tauto yeru Tamañ nineep ila ina to ghamuuj pooz.’^e

²²‘Tamtoghon to ighaze le taliija, ye irau iloonj saveenj to Maaron Avuvu isavia pa lupuuñ to Kresi.’ ”

Maaron ineep ila ina to ghamuuj pooz izi ndug sambam

4 ¹You naghita mbep tonenen le isob, ghero matag ila le naghita ataam eez ikakaak izi ndug sambam. Ghero ngeu to muuj naloona isaav payou inimale tavuur itanj, alija inim payou muul ighaze: “Uza unum sualen, lesa napatooñ ghom pa mbep pida to muri pale tivot titaghon Maaron ngar toni.”

²Rikia moghon Maaron Avuvu tapiri iza tiou, ve naghita Maaron ina to ghamuuj pooz iyoon izi ndug sambam, ve Ngeu eez inepneep ila.^f

³Ye nagho milmilia inimale yaam yaspa ve karnelian to ngeretunadi popoia. Ve maalrango to nguruba airaumbiti inimale yaam emeral, iluvut ngeu tonowen ina to ghamuuj pooz.^g

⁴Ve naghita nginiija tamoot ee ve paanj (24) tineep ila inadi to ghamuuj pooz ve tiluvut Maaron ina to ghamuuj pooz.^h

Yes tindud di pa nonogiija pisolooja, ve moghar tineep izala dabadi.

Moghar todi tonowen, tigharaat di pa gol. ⁵Ve naghita lalaav waro milia

a 3:17 Lu 12:21; 1Kor 4:8 **b 3:18** Is 55:1; Mt 13:44; 1Pe 1:7; Syg 7:13+ **c 3:19** 1Kor 11:32; Hib 12:5+ **d 3:20** Yo 14:23 **e 3:21** 2Tim 2:12; 1Kor 6:2 **f 4:2** Mbo 47:8; Is 6:1

g 4:3 Ezek 1:22-28 **h 4:4** Ndiran ngara tighaze nginiija 24 tonene, nene yes ajele to tinjin Maaron tamtoghon toni, ma Yakop ndinatu saangul ve ru ve yes mbanooja saangul ve ru to Kresi. Saveenj waaro naol to rau tonene isavia mbep saangul ve ru (12), ma tamoot ee ve paanj (24) [=12+12], ma tamoot liim, tamoot ru avua paanj (144) [=12 taims 12]. Saveenj tovene, nene iza to Maaron tamtoghon toni, ma Kresi lupuuñ toni.

to ivotvot ila Maaron ina to ghamuunj pooz, ve naloonj lalaav avolutu. Ve sul liim ve ru tighanghan ila Maaron ina to ghamuunj pooz nagho. Sul tonowen, nene Maaron avuvu liim ve ru.ⁱ

⁶Ve mbef ite ineeep tonowe paam. Ghitoonja inimale te. Tigharaata pa galas to ngalaanja kat.

Ve mbef matadi yaryaara paanj tiyoon tiluvut Maaron ina to ghamuunj pooz.^j

Mbef paanj tonowen, matadi katindi, tineep irau tinidi tisob. Matadi tineep pa naghodi ve muridi paam.^k

⁷Mbef paanj tonowen, eez nagho inimale laion. Ve ite nagho inimale makau tamoot. Ve ite nagho inimale tamtoghon. Ve inim paanj pani, nagho inimale manbog to irav bage pa rovaanj. ⁸Mbef paanj tonowen ledi bagedi liim ve eez le irau di. Ve matadi katindi kat. Irau anonjadi ve bagedi paam. Ve yes atedi izi maau. Mboj ve ndag, tipapait Maaron iza tighaze:

“Tiina toit Maaron, tapiri tiina kat. Ilib pa mbef to naol ne.

Ye patabuanj, le patabuanj, le patabuanj kat!

Ye ineeep muunj, ineeep aazne, ve muri ye pale inim.”^l

Tipait Maaron iza izi ndug sambam

⁹Iŋgeu to ineeep ila ina to ghamuunj pooz irau sawa isob, mbef matadi yaryaara paanj tonowen moghon moghon tipakuri ve tipait iza pa tapiri ve poia toni. ¹⁰Ve sawa to tigham tovene, yes nginiinja tamoot ee ve paanj tila titap tizi ila mata, ve tipakuri paam. Ve tizugua moghar todi to ineeep izala dabadi, ve tighur di tizi ila iŋgeu tonowen ina to ghamuunj pooz nagho, ve tipait iza tighaze:

¹¹“O Maaron, Tiina tiei, yom poiam kat. Ighaze nipakur ghom ve nipait izam pa tapirim ve poia tiom, nene denja. Pasa, yom moghon to ughur mbef tisob tivot. Onoon kat, yom utaghon taum ngar tiom ve ughur mbef tisob tivot. Tauto tineep tovene.”^m

Sipsip to Maaron irau ipool rau to Maaron ve iravaa

5 ¹Ghoro matag ila le naghita Iŋgeu to ineeep ila ina to ghamuunj pooz, ikis rau eez ila nima waan. Rau tonowen, tiloii ve tipaak bagil liim ve ru ila avo dige, lesa ikori le tunja. Bagil liim ve ru tonowen, mboom

i 4:5 Igham 19:16; Syg 1:4 j 4:6 Ndiran ngara tighaze mbef paanj tonene, nene aŋela ariajadi kat to timbesmbees pa Maaron ve tŋgin ina to ghamuunj pooz. Yes paanj pasa, tighamgham uraat irau sambam ve taan dige to naol. Ighaze buk tonene isavia mbef paanj, nene pughu tovene: Mbef tonenen tineep o tivot irau ndug tisob. k 4:6 Ezek 1:5+; Is 6:1-3 l 4:8 Is 6:2+; Syg 1:4 m 4:11 Mbnp 1:1; Mbanj 14:15, 17:24

to Maaron ineep ila. Ve rau tonowen, timbood saveej ila lolo ve ndimo paam.^{n o}

²Ve naghita aŋela eez to tapiri tiina imboob aliŋa tiina ighaze: “Sei to poia kat irau to iwalab bagil pa rau tonowen, ve irava?”

³Tovenen titiir sambam, taan, ve taan lolo paam. Eemoghon tighita ŋgeu eta to poia kat irau to irava rau tonowen ve ighita lolo ne maau. ⁴Tovenen you nataŋ tiina. Pasa, tindeej eta to poia kat irau to irava ve ighita lolo ne maau.

⁵You nataŋtaŋ, ve ŋginiŋa tamoot ee ve paŋj (24), todi eez inim ve isaav payou ighaze: “Utaŋ malep. Ughita ŋgeu tonowen. Ye Laion to ivot ila Yakop natu Yuda siŋ toni, ve ye paghu to kinik David. Ye iyoon ariana ve ilib pa tovaŋ wa. Tovenen ye poia irau to iwalab bagil liim ve ru pa rau tonowen, ve irava.”^p

⁶Ghoro matag ila le naghita Sipsip eez iyoon igharau Maaron ina to ghamuŋ pooz. Ve mbep matadi yaryaara paŋj toman yes ŋginiŋa tamoot ee ve paŋj (24) tiluvuti. Sipsip tonowen ghitoŋa animale muŋj tirabi imaat. Ye le ndooŋa liim ve ru.^q

Ve mata paam, liim ve ru. Mata tonowen, nene Maaron Avuvu liim ve ru to ye imbaŋ di tila tirau taan.^r

⁷Sipsip tonowen ilaagh iŋarua Iŋgeu to ineep ila ina to ghamuŋ pooz, ve igham rau to yes ikisi ila nima waan.^{s t}

⁸Ye igham rau tonowen, ve mbep matadi yaryaara paŋj toman ŋginiŋa tamoot ee ve paŋj (24) tila titap tizi ila mata, ve tipakuri. Yes eŋaŋa tikis mbep animale gita, ve oon geegeu to tigharaat di pa gol le irau di. Oon tonowen tivon pa naunaŋ popoia. Naunaŋ tonowen, nene suŋuŋj to Maaron tamtoghon toni patabuaŋa.^u

Tipait Sipsip to Maaron

⁹Yes tipait Sipsip to Maaron pa mbouŋ paghu eez, tighaze:

“Yom poiam kat irau to ugham rau tonanan, ve uwalab bagil pani, ve uraava.

Pasa, tirab ghom umaat, ve siŋ tiom igham mulin ival tiina ve tinim Maaron le wa.

n 5:1 Rau to saveej waaro tonene isavia, nene iza to ŋgar isob to Maaron pale igham di tivot izi sambam ve taan, leso ighur atia iŋarua tamtoghon pa sosor todi, ve igham mulin tamtoghon toni. Iŋgar tonowen, Krisi igham uraata, leso anoŋa ivot. **o 5:1** Is 29:11; Ezek 2:9+; Dan 7:10, 12:4 **p 5:5** Mbnp 49:9+; Is 11:1,10; Dan 7:13-14; Ro 15:12; Hib 7:14; Syg 6:1 **q 5:6** Mbep ndooŋa inim ghilalooŋ pa tapiri. Saveej tonene pughu tovene: Sipsip to Maaron, ye ariana ve tapiri tiina kat ilib pa mbep to naol ne. **r 5:6** Is 53:7; Yo 1:29; 1Kor 5:7 **s 5:7** Saveej waaro tonene avaat isavia sawa to Krisi imuul iza ila sambam ve igham iza tiina ve tapiri pa iŋgin mbep tisob. **t 5:7** Dan 7:13+; Pil 2:9-11; Hib 2:9 **u 5:8** Mbo 141:2; Hib 13:15; Syg 4:8+, 8:3+, 15:2

Yes to ndug ndug. Ve tinidi, aliŋadi ve gabuadi, naol naol.^v

¹⁰ Yom ugham di tisob tinim Maaron le. Leso tineep ila pooz toni samba, ve timbees pani tinimale ndiran to watoonrau.

Ve yes pale tigham pooz izi taan.”^w

¹¹ Ghoro matag ila muul, le naghita aŋela katindi kat ve naloon aliŋadi. Yes ndiŋndiŋ, le ndiŋndiŋ, le ndiŋndiŋ. Irau tanin di maau. Tiluvut Maaron ina to ghamuun pooz, toman mbep matadi yaryaara paan ve yes ŋginiŋa tamoot ee ve paan (24) paam.^x

¹² Ve timbou aliŋadi tiina tighaze:

“Sipsip to Maaron to tirabi imaat, ye iraua kat pa tapiri, mbaliŋ, ve ŋgar to naol. Ye ariana ve iza tiina. Ve ye ŋguruba tiina, ve poia pughu. Tovenen tapait iza, ghoro poia.”

¹³ Ghoro naloon mbep naol naol to Maaron ighur di, tisob tipait Maaron toman Sipsip toni izadi. Yes to tineep sambam, yes to tineep izi taan, yes to tineep taan lolo, ve yes to tineep te lolo ne paam. Tisob tilup avodi tighaze:

“Ye to ineeep ila ina to ghamuun pooz, toman Sipsip toni, iit irau tapakur di pa tapiridi ve poia todi, ve tapait izadi itaghoni taghoni gha ila!”

¹⁴ Ve mbep matadi yaryaara paan tiyolyol saveenj tighaze: ‘Onoon! Onoon!’ Ve yes ŋginiŋa tamoot ee ve paan paam, titap tizi ve tipait Maaron toman Sipsip toni.

Sipsip to Maaron iwalab bagil liim ve ru

6 ¹ Ghoro you naghita Sipsip to Maaron igham rau to bagil liim ve ru tineep ila, ve ipas bagil eez muun.^y

Ve naloon mbep matadi yaryaara paan, todi eez imboob aliŋa tiina kat inimale lalaav avolutu ighaze: “Unum!” ² Ghoro matag ila le naghita hos pisosoonja eez. Ŋgeu to ineeep izala pogho ve ilaan pani, ye ikis pane, ve tigham le moghar eez. Pasa, ye iparab ariana toman koia pida ve ilib padi wa. Tauto ila ighaze iparab muul.^z

³ Ghoro Sipsip to Maaron iwalab bagil ite izi, ve naloon mbep matadi yaryaara paan, todi ite isaav ighaze: “Unum!” ⁴ Tovenen hos ite ivot ila. Hos tonowen, kaviana kat inimale yab yama. Ve ŋgeu to ineeep izala pogho ve ilaan pani, tizuzuun buza tiina eez ila toni, ve tiyok pani pa

v 5:9 Mbo 96:1, 98:1+; 1Pe 1:18+ w 5:10 Igham 19:6; 1Pe 2:9; Syg 1:6

x 5:11 Mbo 68:17; Dan 7:10; Hib 12:22 y 6:1 Krisi iwalab bagil liim ve ru, nene ŋgara tovene: Sawa to tamtoghon to Krisi tineep izi taan, pataŋani naol naol pale igham di. Eemoghon Krisi iŋgin pataŋani todi. z 6:2 Sek 1:8+; Syg 19:11

ipaghau ngar luuma pa taan ve ipazaagh tamtoghon pa malmal. Leso tiwarabun di ve timatmaat.^a

⁵Ghoro Sipsip to Maaron iwalab bagil ite inim tol izi, ve naloonj mbeb matadi yaryaara paan, todi ite inim tol, isaav ighaze: “Unum!” Ghoro matag ila le naghita hos asosooŋa eez. Ve ngeu to ineep izala pogho ve ilaan pani, ye ngeu to mata ighurghur pa aniiŋ ila sawa to mbolaan. Tovenen ikis sikel ila nima. ⁶Mala maau ve naloonj ngeu eez aliŋa ivot ila mbeb matadi yaryaara paan tonowen lolodi ighaze: “Pitool pale ivot. Ve aniiŋ atia pale izala kat. Ighaze tamtoghon tigham uraat pa ndag eez, atia to tigham pa uraat todi, nene irau tighol aniiŋ tiina pani maau. Aniiŋ bali to atia raurau, yes pale irau tighol uur geegeu tol ma venen. Ve aniiŋ wit, atia todi tonowen pale irau tighol uur kainanjen ee moghon kat. Eemoghon uwaghamun ai oliv ve vaen malep.”

⁷Ghoro Sipsip to Maaron iwalab bagil ite inim paan izi, ve naloonj mbeb matadi yaryaara paan, todi ite inim paan, isaav ighaze: “Unum!” ⁸Ghoro matag ila le naghita hos yaŋoŋa eez. Ve ngeu to ineep izala pogho ve ilaan pani, tiwaat iza tighaze: ‘Mateenj.’ Ye imuun, ve ndug to mateenja itaghoni. Ve tivalag tamtoghon tisob to taan tinim rouŋ paan, ve tighur rouŋ eez ila yesuru nimadi, lesu tirab di timatmaat. Tovenen timbut tamtoghon pida pa buza. Ve pida, pitool tiina ve moroghoonj samsamia irab di. Ve pida, mbeb sagsag tighan di ve timatmaat.

⁹Ghoro Sipsip to Maaron iwalab bagil ite inim liim izi, ve naghita ival tiina anunudi tineep ila artaal to ndug sambam samba. Yes tonowen, muunj titaghon saveenj onoon to Maaron ve tipariaan tamtoghon pa tighur ila to Yesu. Tauto yes to tighur koi pa Kriŋi tirab di timatmaat.^b

¹⁰Yes timboob toman aliŋadi tiina kat tighaze: “O Maaron, yom arianaŋ kat, ve patabuan, ve avom onoon. Njeez o unŋabiiz tamtoghon to tineep izi taan, ve uyat siŋ tiei?”^c

¹¹Ghoro tigham tamtoghon tonowen ledi nonogiŋa pisosooŋa mamala le irau di, ve tisaav padi tighaze: “Atemim izi ve asaŋan ris. Pasa, toŋvetaz tiam pida to timbesmbees pa Kriŋi, Maaron ighur di ighaze timaat tinimale yam. Sawa to tirab di le tisob, ghoro iyat siŋ tiam.”

¹²Ghoro naghita Sipsip to Maaron iwalab bagil ite inim liim ve eez izi, le yonŋyoog tiina kat itok taan. Ve ndag mata iyasosooŋ animale uli asosooŋa to moŋiiŋ. Ve kaiyo paam, mata ikaviaan animale siŋ. ¹³Ve pitum to tineep ila sambam paroŋania, titaptap tizi tinim taan tinimale ai fik to anoŋa nŋalpeenda, ve yaghur tiina itoki le titaptap tizi. ¹⁴Ve tinduur sambam paroŋania ila pa dige eez animale rau to tiloii. Ve tinduur lolooz toman mutu tisob tighau pa inadi paam.^d

a 6:4 Mt 24:6+ b 6:9 Mbanj 14:22; 2Tim 1:8; Syg 1:9, 7:9+ c 6:10 Ro 12:19; Syg 19:2
d 6:14 Is 34:4; Mt 24:29+; Mbanj 2:20; Syg 16:20

¹⁵Tovenen yes kinik to taan toman yes to izadi tintina, ve daba to yes ndaaba, mbaliinj taudi, yes to ledi tapiridi tintina, yes mbesooja, ve yes to mbesooja maau ve tinjin taudi, tisob tila tiyoon ila yaam sambudi ve yaam tintina to lolooz lolodi. ¹⁶Ve timboboob pa lolooz ve yaam tighaze: “Apol anim azala poghomai ve apoon ghei pa Ŋgeu to ineep ila ina to ghamuuj pooz ne mata. Leso ighita ghei sob, ve niyoon pa mbalmbali to Sipsip toni.^e

¹⁷Pasa, sawa tiina to tipatoonj mbalmbali todi ighaze ivot tonene. Sei irau iyoon ve ipaloti?”^f

**Tighur Maaron mboom toni izala tamtoghon
144,000 ndamodi inim ghilaloonj padi**

7 ¹Mbeb tonowen isob, ghoru naghita anjela paan tiyoon ila taan dige paan. Eez iyoon ila pa rag, eez iyoon ila pa yavaar, ite iyoon ila pa kagu, ve ite paam iyoon ila pa daudau. Ve tikis yaghur paan tonowen. Leso tiviviir taan, te, ma ai eta sob. ²⁻³Ve naghita anjela ite ineep pa ndag iza, ve iza. Ye ikis mbeb to mboom to Maaron mata yaryaara ineep ila, ve isaav aliija tiina ila pa anjela paan tonowen ighaze: “Awaghamun taan toman te ve ai rikia malep. Asaan ris, ve nighur Maaron toit mboom toni ila yes mbesooja toni ndamodi le isob o.” Ye isaav tovene pasa, Maaron igham anjela paan tonowen ledi tapiridi pa tiwaghamun taan ve te.^g

⁴⁻⁸Nanepneep, ve naloonj yes Israela piiz to Maaron mboom toni iza ndamodi inim ghilaloonj padi. Yes irau ndinndinj ndinndinj (144,000).^h Yes Israela tonenen, rumai todi enjaenja ledi tamtoghon irau ndinndinj saangul ve ru (12,000). Tovenen rumai to Yuda tamtoghon todi 12,000, to Ruben 12,000, to Gat 12,000, to Aser 12,000, to Naptali 12,000, to Manase 12,000, to Simeon 12,000, to Levi 12,000, to Isakar 12,000, to Zebulun 12,000, to Yosep 12,000, ve to Benyamin 12,000. Yes tonowen tisob tigham mboom to Maaron, tauto inim ghilaloonj padi ighaze yes tinim le wa.

Ival tiina to ndug ndug tipait Maaron iza izi ndug sambam

⁹Mbeb tonowen isob, ghoru naghita ival tiina kat tiyoon ila Sipsip to Maaron mata igharau Tama ina to ghamuuj pooz. Yes to ndug

e 6:16 Lu 23:30; Syg 9:6 **f 6:17** Mbo 76:7; Yoel 2:11 **g 7:2-3** Ezek 9:4+; Syg 9:4, 14:1, 22:4 **h 7:4-8** Ndiran ngara pida tighaze tamtoghon 144,000 tonene tiza to Maaron tamtoghon toni tisob. Yes to tineep pa sawa to saveenj mbuaanj mungina, ve yes to tineep pa sawa to saveenj mbuaanj paghu ne paam. Mboom to Maaron, yes ngara pida matadi ingal tighaze nene iza to Avuvu Patabuanj. Saveenj pida to ipariaan ngar todi, nene: 2Kor 1:22, Ep 1:13-14, ve Ep 4:30.

ndug. Ve tinidi, toman gabuadi, ve aliñadi naol naol. Yes tindud di pa nonogiija pisosooña, ve tikis napatolo raua ila nimadi. Yes ival le ival kat. Tamtoghon eta irau inin di maau.ⁱ

¹⁰Ve timboboob aliñadi tiina tighaze: “Tapakur Maaron toit to ineeep ila ina to ghamuuj pooz ne toman Sipsip toni. Pasa, yesuru tigham mulin ghiit, tauto taneep pooi.”

¹¹Ve aņela tisob tiyoon tiluvut Maaron ina to ghamuuj pooz toman ĩginiija tamoot ee ve paanj (24) ve mbeb matadi yaryaara paanj. Ve matadi ijarua Maaron ina to ghamuuj pooz, ve titap naghodi izi ila Maaron mata, ve tipaiti tighaze:

¹²“Onoon kat. Iit tapait Maaron toit pa poia toni. Ye iza tiina kat, ve ĩgar toni tiina.

Lolood poia pani pasa, ye igham poian ghiit.

Ye ariana, ve tapiri tiina kat.

Tovenen iit pale tapaiti tovene itaghoni taghoni gha ila! Onoon.”^j

¹³Ghoro ĩginiija tonowen, todi eez ighason ghou ighaze: “Sei masin to tindud di pa nonogiija pisosooña we? Yes tilaagh vena to tinim?”

¹⁴You napamuul aliņa naghaze: “Tiina, yom uwatag di.”

Ghoro ye isaav payou muul ighaze: “Sawa to tighur pataņani tiina pa Maaron tamtoghon toni, ndiran tonowen tiyoon ariana, ve tilib pa tovaanj to ivot padi. Yes timen nonogiija todi pa Sipsip to Maaron siņ toni, tauto tiņgalaanj ve tipisosooņ kat.^k

¹⁵“Pughu tonene to ndiran tonowen tineep tigharau Maaron ina to ghamuuj pooz, ve timbesmbees pani ila rumai toni lolo, ve tipapaiti irau mboņ ve ndag. Ijgeu to ineeep ila ina to ghamuuj pooz, pale ineeep toman di, ve ighur di tineep ila samba ve ipoon di. ¹⁶Tovenen yes irau pitool di, ma murun di muul maau. Ve ndag irau ighaaz katin di muul maau.^l

¹⁷Pasa, Sipsip to Maaron to ineeep toman Maaron igharau ina to ghamuuj pooz, ye tau pale iņgin di ve mata padi. Ve ye pale ighereb di tila pa ya to nepooņ mataad yaryaara to bokbokia izaza. Ve Maaron tau pale imus matadi suru isob ighau, ve irau titaņ muul maau.”^m

Sipsip to Maaron iwalab bagil ite inim liim ve ru

8 ¹Sipsip to Maaron iwalab bagil ite inim liim ve ru izi, ghoro ndug sambam tikia, ve ineeep le mala ris irau aua alulu ma venen.ⁿ

²Ghoro matag ila le naghita aņela liim ve ru to moghon moghon tiyondyood ila Maaron mata. Tigham ledi tavuur liim ve ru, ve tirei eņaerņa irau di.

i 7:9 Syg 3:5, 5:9, 14:6 j 7:12 Syg 5:12+ k 7:14 Is 1:18; Mk 13:19+; Hib 9:14;
 1Yo 1:7 l 7:16 Mbo 121:6; Is 49:10 m 7:17 Mbo 23:1+; Is 25:8; Yo 7:37+, 10:11+;
 Syg 21:4 n 8:1 Hab 2:20; Sek 2:13

³Ghoro aņela ite ila iyoon igharau artaal. Artaal tonowen, tigharaata pa gol, ve iyoon ila Maaron ina to ghamuuj pooz nagho. Aņela tonowen ikis oon eez to tigharaata pa gol, ve tigham le naunauj tiina to vuzi poia. Leso ilupi toman sujuuj to Maaron tamtoghon toni patabuaņa, ve igham watoonrau pani izala artaal tonowen. ⁴Tovenen igham uraat pa watoonrau tonowen, le naunauj to vuzi poia ne mbuasa toman sujuuj to Maaron tamtoghon toni patabuaņa izala ila Maaron mata.^o

⁵Ghoro aņela igham oon tonowen ve ipavonini pa yab to artaal le ivon, ve ipiyaava izila pa taan. Ghoro ndug milia, ve lalaav irabrabi, ve yongyoog itoktok.

Aņela paaj tivib tavuur todi

⁶Ghoro aņela liim ve ru to tikis tavuur irau di, tigharaat di lesu tivib di.^p

⁷Yes tivalag taan toman ai tisob to tiyoon ila tinim ndouj tol, ghoro aņela to imuuj padi, ivib tavuur toni, ve tipiyaav ais toman yab ve siņ tizi tinim taan. Yab tonowen ighan suvun ndouj eez. Ve ndouj ru tisami maau. Popoiadi ve tinepneep. Eemoghon kikiliņ, ghoro yab ighani le isob.^q

⁸Ghoro tivalag te inim tol. Ve aņela ite inim ru ivib tavuur toni, ve tipiyaav mbep inimale lolooz tiina kat izila te lolo. Lolooz tonowen, yab ighanghan ila. Tovenen te dige eez itoora inim siņ. Ve dige ru tisami maau. Popoiadi ve tinepneep.^r

⁹Mbeb to tinep ila te dige to isami, tisob timatmaat. Ve waaj to tipot ila te dige tonowen paam, tisob tisami ve timbiriis.

¹⁰⁻¹¹Ghoro tivalag ya tisob tinim ndouj tol, ve aņela ite inim tol, ana ivib tavuur toni, ve pitum tiina eez itap sambam ve izi inim. Pitum tonowen iyaryaar inimale sul. Ve tiwaat iza, 'Papaii.' Itap izala ya ndouj eez poghodi le iwaghamun di. Ya to tirereer, ve ya to tivotvot ila taan lolo ne paam. Tauto ival tiina to tighunghun ya papaii tonowen timatmaat. Ve ya ndouj ru tisami maau. Popoiadi ve tinepneep.^s

¹²Ghoro aņela ite inim paaj, ana ivib tavuur toni, ve iwaghamun ndag dige eez ve kaiyo dige eez. Ve ndag dige ru ve kaiyo dige ru, tisami maau. Popoiadi ve tinepneep. Pitum tovene paam. Tivalag di tinim ndouj tol, ve tiwaghamun rouj eez, ve rouj ru tisami maau. Popoiadi ve tinepneep. Tovenen ndag dige ve kaiyo dige tonowen tighaaz kat maau. Ve pitum ndouj eez tonowen paam, tiraņ maau. Tauto ndag suruvu, ndug inim ndoroom. Ve mboj suruvu paam, ndoroom tiina ikau ndug.^t

o 8:4 Mbo 141:2; Syg 5:8 **p** 8:6 Yes Israela tivib tavuur inim ghilalooj pa pataņani to ighaze ivot. **q** 8:7 Igham 9:23+ **r** 8:8 Syg 16:3 **s** 8:10-11 Igham 7:20+; Yer 9:15; Syg 16:4 **t** 8:12 Igham 10:21+; Mt 24:29+; Syg 16:10

¹³Ghoro matag ila le naghita manbog eez iroov ila tata, ve imboob aliņa tiina ighaze: “Oyai, oyai, oyai. Aa, tamtoghon to tineep izi taan, tikaria taudi wa! Pasa, paite paam aņela tol paam anadi tivib tavuur todi.”

Tavuur to inim liim itaņ

9 ¹Ghoro aņela ite to inim liim, ana ivib tavuur toni, ve naghita pitum eez to muuņ itap sambam ve izi inim taan. Pitum tonowen, tighuri inim ņginiņ pa saambu tiina to le pughu maau. Tovenen tighur ki to saambu tonowen avo ila nima.^{u v}

²Ye ikaak saambu tonowen avo, ve mbuas tiina kat imbuņ iza pani inimale yab tiina kat ighanghan. Mbuas tonowen ipoon ndag mata le ndug ndoroom.^w

³Ghoro mbep tinimale isis tivot ila mbuas tonowen lolo, ve tila tineep irau taan. Maaron igham mbep tonowen ledi tapiridi inimale skorpion to taan.^x ⁴Ve tiņgalsekin di tighaze: Yes irau tiwaghamun kikiliņ, ai, ma mbep ite paam to itub izi taan ne maau. Yes to Maaron mboom toni ineep ila ndamodi maau, yes moghon to isis tonowen pale tiwaghamun di.^y

⁵Tovenen yes pale tigham yabyabuņ tiina pa tamtoghon irau kaiyo liim. Yabyabuņ tonowen inimale skorpion iņgal tamtoghon. Eemoghon Maaron iyok pa mbep tonowen tirab tamtoghon eta imaat ne maau. ⁶Sawa to pataņani tonenen ivot, tamtoghon pale tikaal ataam pa timaat, leso atedi izi pa yabyabuņ todi. Eemoghon pale tikaala le maau. Pale tipasul tighaze le timaat rikia, ghoro poia. Eemoghon mateeņ irau ivot padi maau.^z

⁷Isis tonowen, ghitoņadi inimale hos to tigharaat di pa malmal. Dabadi, tighur mbep tinimale moghar milmilia izala. Ve naghodi inimale tamtoghon. ⁸Dabadi raua, mamala. Ve livodi tintina inimale laion.

⁹Tipoon atedi pa mbep ariņa to tigharaata pa ain. Ve sawa to tiroov, bagedi avolutu inimale karis katindi to hos tighereb di tilaan pa malmal.^a

¹⁰Yes ledi uvudi paam. Uvudi mata, nene inimale skorpion toni, leso tiņgal tamtoghon pani. Ve Maaron igham ledi tapiridi pa tiwaghamun tamtoghon pa uvudi mata irau kaiyo liim. ¹¹Ve yes ledi kinik to iņgin di paam. Kinik todi, nene aņela to iņgin saambu tiina to le pughu maau. Tiwaat iza ila Hibru aliņadi tighaze ‘Abaddon.’ Ve ila Grika aliņadi tighaze ‘Apolion.’^b

u 9:1 Pitum tonene avaat iza to Sadan tau, ma avuvu samia eta to inim daba pa ndita pida. Ughita saveeņ waaro 11 to ngat tonene. Saambu to saveeņ tonene isavia, nene izila le izila kat. Tighurghur avuvu samsamiadi tineep tonowe, leso tisaņan pa sawa to Maaron ighur atia padi. **v 9:1** Is 14:12-15; Lu 10:18; 2Pe 2:4; Jud 1:6; Syg 20:1+ **w 9:2** Ep 6:12 **x 9:3** Skorpion, nene mbep to mbole mala ve iņgaliņgal tamtoghon. Ghitooņa inimale iron. Ighaze skorpion iņgal tamtoghon eta, nene pale yabyabuņ tiina ighami inimale araraaņ iņgal tamtoghon. **y 9:4** Syg 7:3 **z 9:6** Lu 23:30; Syg 6:16 **a 9:9** Yoel 1:6, 2:4+ **b 9:11** Aņela samia tonene, iza ru ‘Abaddon’ ve ‘Apolion.’ Pughudi ee moghon: ‘Ijgeu to iwaghamun mbep.’

¹²Nene saveenj to patanjani tiina to ivot muunj. Ve ru paam pale tivot.^c

Tavuur inim liim ve eez itanj

¹³Ghoro aņela ite inim liim ve eez, ana ivib tavuur toni, ve naloon saveenj ivot ila artaal to iyoon ila Maaron mata. Artaal tonowen, tigharaata pa gol, ve mbef tinimale ndoonj tiyoon ila dadabu paanj. ¹⁴Ye isaav pa aņela tonenen ighaze: “Aņela paanj to timbit di ve tineep ila ya tiina Euprates dige, upool ravraav padi ve tila. Pasa sawa todi, tauto ivot wa.”^d

¹⁵Aņela paanj tonowen, Maaron ighur di pataghaan ve tisaņan moghon pa sawa kat to ye tau ighuri. Tovenen tipool di, ve tila tivalag tamtoghon tisob to taan tinim rouņ tol le isob, ghoru tirab rouņ eez timatmaat, ve tipul rouņ ru tineep.^e

¹⁶Ve naloon tighaze aņela paanj tonowen ndaaba todi to tineep izala hos ve tiparab, yes irau ndiņndiņ ndiņndiņ (200 milion ma venen).

¹⁷Ve tandagiin tiou, you naghita yes to tineep izala hos ve tilaan padi ne, ghitoņadi tovene: Mbef arianađadi to tipoon atedi pani, nene ŋgeretuņadi kaviaaņa inimale yab, bibiliņa, ve yaņoņa. Ve hos todi dabadi, nene inimale to laion. Ve mbef samsamia tol tivotvot ila avodi pa tiwaghamun tamtoghon. Nene yab, mbuas, ve yaam salfa tuntunu to vuzi samia kat. ¹⁸Tovenen tivalag tamtoghon tisob to taan tinim rouņ tol, ve yab, mbuas, ve yaam salfa tuntunu to ivotvot ila hos todi avodi ne, tirab rouņ eez, le tisob timatmaat. ¹⁹Hos tonowen, tapiridi ineep ila avodi ve uvudi. Uvudi mata, nene inimale moot samia daba. Tauto tiwaghamun tamtoghon pani.

²⁰Ival tiina to timaat ila patanjani naol tonowen maau, tighita patanjani tonenen tivotvot. Eemoghon ipamundigin ŋgar todi maau. Yes titoor ŋgar todi, ve tipul ŋgar samsamia naol to tighamgham di ne maau. Yes timbesmbees pa avuvu samsamiadi. Ve maaron kaaromņa to tigharaat di pa ai, gol, silva, mbaras, ve yaam pida paam, lolodi pa tipul di maau. Tovenen mbef to irau tighita ndug maau, tiloonj saveenj maau, ve tilaagh maau, tauto tamtoghon tonowen timbesmbees padi, ve tipait di tinim maaron padi.^f

²¹Ve ŋgar todi to rabuņ tamtoghon timatmaat, ghamuunj mur, ghuruunj maat, ve yubuunj, nene paam, tipul di maau.^g

Aņela izuzuun rau kainanen ila to Yoan

10 ¹Ghoro matag ila le naghita aņela ariana ite to ineep sambam ve izi inim. Yaghur tae ikai inim nonogiņa toni, ve maalraņgo

c 9:12 Syg 8:13 d 9:14 Syg 16:12 e 9:15 Syg 8:7+ f 9:20 Mbo 106:37, 115:4+; Mbanj 7:41; 1Kor 10:19+ g 9:21 Syg 22:15

ineep izala daba pogho. Nagho isul inimale ndag. Ve aghe ru, nene tinimale gungun tintina to yab ighanghan ila.^h

²Ye ikis rau kainanen eez to tiraava pataghaan. Aghe waan iza te, ve aghe ŋas iza taan. ³Ye imboob aliŋa tiina kat inimale laion itan. Ghoro naloŋ lalaav avolutu tiina kat itan pa liim ve ru toman saveeŋ, ve ipamuul bobaan toni.ⁱ

⁴Mbeb tonenen isob, ve naghaze nambood saveeŋ tonowen ila rau. Eemoghon naloŋ saveeŋ ineep sambam ve izi inim ighaze: “Saveeŋ to ivot toman lalaav avolutu ve ulooŋa, umbooda malep. Ineep inim ŋgozaan.”^j

⁵Ghoro naghita aŋela to aghe eez iyoon ila te ve aghe ite iyoon ila taan ne, iit nima waan iza pa sambam, ⁶ve ipariaan saveeŋ toni ila Maaron to ineep irau sawa isob ne iza. Ye Maaron to ighur sambam, taan, ve te, toman mbeb tisob to tineep ila. Aŋela tonowen isaav ighaze: “Irau tasaan muul maau. Sawa isob wa.”^k

⁷Sawa to aŋela to inim liim ve ru pani ivib tavuur toni, nene pale Maaron ŋgar toni yonggaŋ isob anoŋa ivot itaghon saveeŋ toni. Saveeŋ tonowen, muuŋ ye ivotia pa yes propeta to timbesmbees pani.”

⁸Ghoro ŋgeu to aliŋa ineep sambam ve izi inim, ye isaav payou muul ighaze: “Aŋela to aghe eez iyoon ila te ve aghe ite iyoon ila taan, yom ula toni ve ugham rau kainanen to tiraava ve ikiskisi we.”

⁹Tovenen nala toni, ve naghasoni naghaze igham rau kainanen tonowen inim tiou. Ye isaav payou ighaze: “Ughami ve ughani. Pale uyamaana poiawaat ila avom inimale bagil suru. Eemoghon izila apom, pale igham apom iyabyab.”^l

¹⁰Tovenen naghama rau to ineep ila aŋela tonowen nima, ve naghani. Nayamaana poiawaat ila avog inimale bagil suru. Eemoghon sawa to natoona, igham apog iyabyab.^{m n}

¹¹Ghoro tisaav payou muul tighaze: “Yom pale uvotia Maaron aliŋa muul, ve usavia ŋgar to pale ivot pa yes kinik ve ival tiina to taan. Yes to ndug ndug. Ve tinidi toman gabuadi ve aliŋadi, naol naol.”

Uraata ru to Maaron tipariaan saveeŋ toni

11 ¹Muri ghoro, tigham leg ai eez to tovaan mbeb, ve tisaav payou tighaze: “Ula utoov Rumai Tiina toman artaal, ve unin yes to tisuŋsuŋ ila lolo.”^{o p}

h 10:1 Ezek 1:28; Mt 17:2; Syg 1:15+ **i 10:3** Mbo 29:3; Yo 12:29 **j 10:4** Dan 8:26, 12:4,9 **k 10:6** Igham 20:11; Mbo 146:6 **l 10:9** Ezek 3:3 **m 10:10** Rau to Yoan ighami, nene Maaron aliŋa ineep ila. Maaron aliŋa isob, nene poia inimale bagil suru. Eemoghon Maaron aliŋa tonowen isavia pataŋani to pale ivot pa tamtoghon. Tauto sawa to Yoan itoona, ighami apo iyabyab. **n 10:10** Mbo 19:10, 119:103 **o 11:1** Tovaan Rumai Tiina ŋgara, nene vene: Maaron tau pale iŋgin tamtoghon toni, ve mata padi. Ughita Sek 2:1-5. **p 11:1** Ezek 40:3+; Sek 2:1-5

²⁻³Eemoghon didiin tiina to iluvut rumai dige, yom utoova malep. Pasa, Maaron ipul soso tonowen pa ndug ndug to Yuda maau ne, lesu tingini irau kaiyo tamoot ru avua ru (42). Mboj 1260 tonenen, yes pale tivazag ndug patabuanj Yerusalem. Sawa tonenen, you pale nambaanj uraata tiou ru pa tivotia alinag pa tamtoghon, lesu tighur inim tiou. Yesuru pale tindud di pa nonogiija asosooja to mojiinj.”^q

⁴Yesuru tinimale ai oliv ru ve lam aia ru to tiyoon izi Ngeu Tiina to injin taan isob ne nagho.^{r s}

⁵Ighaze koiadi eta itoova pa iwaghamun yesuru, nene pale yab ivot ila yesuru avodi ve ighani. Tovenen tamtoghon to ighaze itoova pa iwaghamun yesuru, nene pale imaam pa ataam tonene.^t

⁶Maaron tapiri ineeq to yesuru. Tovenen sawa to tineep izi taan ve tivotia Maaron alija pa tamtoghon, yes irau tigham patajani naol tivot izi taan. Yesuru irau tipoon tata, lesu uman izi sob. Ve irau titoor ya inim sij paam. Sawa sine to tighaze tigham tovene, yesuru irau tighami.^u

⁷Tovenen yesuru pale tipariaanj tamtoghon pa tighur ila to Maaron alija. Ve sawa to tipasob uraat todi tonowen, nene pale mbeb samia ipul saambu to le pughu maau ne, ve iza iparab toman di. Ghoru ilib padi ve irab di timaat.^v

⁸Ve tamtoghon pale tipul yesuru patudi tighen sorok izi ataam dige to ineeq ila ndug tiina^w

lolo. Ndug tonowen to tirab Tiina todi izala ai pambarooj ve imaam. Ve tipaleel pa ndug tonowen iza tighaze Sodom ve Isip.^x

⁹Ival tiina pale tila timarar yesuru patudi irau mboj tol ve suruvu. Yes to ndug ndug. Ve tinidi toman alinadi ve gabuadi, naol naol. Ve yes irau tiyok pa tamtoghon eta pa itavia patudi maau. ¹⁰Pasa muunj, propet ru tonowen tighur patajani tintina tizaza to tamtoghon to taan. Tovenen sawa to yesuru timaat, tamtoghon to taan pale lolodi poia ve tinidi iza, ve tiwarein mbeb pa taudi.^y

¹¹Eemoghon mboj tol ve pida tonenen isob, ghoru Maaron ivib Avuvu mata yaryaara ilooj ila yesuru patudi, ve timundig tiyoon. Tovenen yes to tighita di, matughezaanj tiina igham di.^z

¹²Mala maau ve tilooj bobaanj tiina ineeq sambam ve izi inim ighaze: “Yamru aza anim sualen!” Ghoru ndiran ru tonowen koiadi timarar di, ve yaghur tae indae di tizala pa ndug sambam.^a

q 11:2-3 Dan 7:24+; Lu 21:24; Syg 12:6, 13:5 **r 11:4** Yes to tivotia Maaron alija pa tamtoghon, tighamgham tapiridi ila to Maaron Avuvu, ve tipatooj ghazooja toni padi tinimale lam. **s 11:4** Sek 4:1-4,11-14; Mt 5:14 **t 11:5** Yer 5:14 **u 11:6** Igham 7:17+; 1King 17:1; Yems 5:17 **v 11:7** Dan 7:21; Syg 13:1-7 **w 11:8** Ndug tiina tonene, avaat iza to Yerusalem, Rom, Babilon, ma ndug tiina sine to titaghon ngar samsamia to taan ve tighur koi pa uraata to Maaron. **x 11:8** Is 1:10+; Mk 10:33+; Lu 13:34 **y 11:10** Yo 16:20 **z 11:11** Ezek 37:5+ **a 11:12** 2King 2:1+; Mbanj 1:9; 1Tes 4:17

¹³Rikia moghon, yongyoog tiina kat itok ndug tiina tonowen, le ruum katindi tipolpol ve timbiriis. Ndug enaena enaena to ruum saangul tineep ila, todi eez ipol, ve liim ve paan popoiadi. Yongyoog tonowen irab tamtoghon ndiqndiq liim ve ru 7000 timatmaat. Ve yes to popoiadi, matughezaan tiina kat igham di, ve tipait Maaron to sambam iza.

¹⁴Nene patajani tiina to inim ru. Ve ite inim tol pani, ighaze ivot tonene.

Tavuor inim liim ve ru itan

¹⁵Ghoro ajela ite to inim liim ve ru pani, ana ivib tavuor toni, ve naloon ival tiina to tineep izi sambam, tisaav aliqadi tiina tighaze: “Aa, ghara nggar samia to muun igham pooz pa taan ne tapiri isob, ve mbeb to naol ne titaghon pooz to Maaron toit ve Mesia toni. Ve ye pale igham pooz tovene itaghoni taghoni gha ila!”^b

¹⁶Ghoro yes nginiina tamoot ee ve paan (24) tipul inadi to ghamuun pooz to tiyoon izi Maaron mata, ve titap tizi ve tipait iza tighaze:

¹⁷ “O Maaron, Tiina tiei, tapirim ilib pa mbeb to naol ne. Yom uneep muun ve inim.

Yei lolomai poia payom, ve nipait ghom. Pasa, tapirim tiina toman pooz tiom, tauto upatoona ivot ighazona wa.”^c

¹⁸Ndug ndug to tiwatag ghom maau ne, atedi yabyab payom. Eemoghon aazne, nene sawa to upatoon mbalmbali tiom ivot ighazona, ve unjabiiz yes mateena ve ughur atia padi.

Tovenen yes propeta to muun timbesmbees payom, toman tamtoghon tiom patabuana to timatughez payom ve titaghon nggar tiom, yom pale ugham ledi atia poia. Yes to izadi tintina, ve yes to ledi izadi maau ne paam.

Eemoghon ndiran to tiwaghamun mbeb izi taan, yom pale uwaghamun di paam.”^d

¹⁹Tisavsava le isob, ghoro ataam to Rumai Tiina to ineep izi sambam ikaak, ve Bokis to Saveen Mbuaan ineep ighazona. Ghoro ndug milia, lalaav irabrabi, yongyoog itoktok, ve ais patu patu tintina titaptap sambam ve tizizi.”^e

b 11:15 Igham 15:18; Mbo 10:16; Syg 10:7 **c 11:17** Mbo 93:1, 97:1+, 99:1; Syg 1:4,8

d 11:18 Mbo 2:1+, 46:6, 110:5; Mbo 115:13; Mt 20:8; Ro 2:5+ **e 11:19** Igham 9:24, 19:16; Hib 9:4; Syg 8:5

Liva ve moot tiina

12¹Ghoro naghita mbbeb eez ivot izi sambam inim ghilalooŋ. Mbbeb tonowen, pughu tiina. Liva eez indudi pa ndag, ve iyoon izala kaiyo. Ve pitum saangul ve ru tineep izala daba tinimale moghar.^f

²Liva tonowen apo ve ighaze ipoop. Tovenen iyamaan yabyabuuj tiina ve iyakyak.

³Mala maau ve mbbeb ite ivot izi sambam inim ghilalooŋ. Naghita moot tiina eez. Tini kavianaŋa inimale yab ŋgiliŋi. Ve daba liim ve ru, ve ndooŋa saangul. Ve moghar liim ve ru tinimale moghar to yes kinik tineep irau daba liim ve ru tonowen.^g

⁴Pitum to tineep sambam we, moot tonowen uvu induur ndooŋ eez, ve ipiyaav di tizila taan. Ve ndooŋ ru tineep pooi. Ghoro moot ila iyoon izi liva tonenen nagho ve isasaŋani. Ighaze ipoop, ghoro rikia moghon ve itoon natu.^h

⁵Liva tonenen ipoop natu tamoot. Natu tonowen pale iŋgin ndug tisob, ve pooz toni pale arianaŋa kat. Tauto moot ighaze irabi imaat. Eemoghon Maaron indaea iza ila, ve ighuri ineeep ila nima waan igharau ina to ghamuuj pooz.^{i j}

⁶Ghoro liva tonenen ighau ila ve ineeep izi ndug balim. Nene ndug toni to nepooŋ to Maaron tau ighuri pani pataghaan. Ye pale ineeep tonowe ve Maaron iŋgini pa nepooŋ toni irau mboŋ 1260.^{k l}

⁷Mala maau ve naghita malmal tiina ivot izi ndug sambam. Mikael toman aŋela toni tipamundigin malmal pa moot tiina tonenen. Ghoro moot toman aŋela toni anadi tipamuul malmal padi.^m

n

f 12:1 Liva to saveenj waaro tonene isavia, ye iza to Maaron tamtoghon toni, ve moot iza to Sadan. **g 12:3** Dan 7:7 **h 12:4** Dan 8:10 **i 12:5** Liva natu, nene Mesia, Yesu Krisi. Sadan lolo pa Mesia ivot ve igham uraat toni malep. Ve ye iwataŋ: Mesia pale ivot ila to Maaron tamtoghon toni. Tauto sawa to Adam ve inim sawa to Krisi, Sadan moghon moghon ipamundigin tamtoghon pa rabuuj yes to titaghon Maaron ŋgar toni. Ye itoova pa irab Yesu imaat paam. Eemoghon ŋgar toni tonowen ighur maau. Pasa, Yesu imundig pa mateep. Tauto sawa tonenen ve inim, Sadan ikalkaal ataam pa irab tamtoghon to Krisi. Eemoghon Maaron pale mata padi. **j 12:5** Lu 2:6+; Mbaŋ 1:9+; Pil 2:9+ **k 12:6** Muuj, propet Iliia ineeep izi ndug balim irau ndaman tol ve suruvu. Sawa tonenen, Maaron mata pani ve iŋgini pa nepooŋ toni. Ve muuj, kinik samia eez to yes Grika, iza Antiokus Epipanes, ighaze igham yes Israela tipul ghurla todi. Tovenen ighur pataŋani tiina kat padi irau ndaman tol ve suruvu. Tovenen, ndaman tol ve suruvu, ma mboŋ 1260, ma kaiyo tamoot ru avua ru, nene iza to sawa to ŋgar samia ivot inim tiina ve igham pooz, ve tamtoghon to Maaron tineep ila pataŋani tiina lolo. Sawa samia tovene, yes irau tiyoon arianaŋa. Pasa, Maaron pale mata padi. **l 12:6** 1King 17:1+; Dan 7:25; Syg 11:2+, 13:5 **m 12:7** Mikael, ye aŋela eez to iza tiina kat. Ye iŋgin Maaron tamtoghon toni, ve imuŋmuuj pa ndaaba to Maaron. **n 12:7** Dan 10:13,21

⁸⁻⁹Eemoghon tapiridi iraua maau. Tovenen moot toman aŋela toni irau tineep izi ndug sambam muul maau, ve tipiyaav di tizila taan. Moot tonenen ineeep muuj ve inim. Tiwaat iza tighaze Sadan, ma Ŋgeu Samia. Ye to itotombaan tamtoghon irau taan isob, ve igheghereb di pa ghamuuj ŋgar samsamia.^o

¹⁰Ghoro naloŋ bobaaj tiina ivot izi ndug sambam tighaze: “Aazne, Maaron toit igham mulin tamtoghon toni ve tineep pooli, ve ipatoŋ tapiri toman pooz toni ivot ighazooŋ wa. Ve ighur mbep to naol ne tisob tineep ila Mesia toni samba, leso iŋgin di. Pasa, Ŋgeu Samia to mboŋ ve ndag iŋgalŋgal saveej pa tojvetaz toit ila Maaron mata, tauto tizuruni pa ndug sambam, ve tipiyaava izila taan wa.^{p q}

¹¹Tojvetaz toit tigham ŋgar pa nepooŋ poia to taan maau, ve timatughez pa mateej maau. Tirei taudi kat. Ve Sipsip to Maaron siŋ toni ipalot di le tiyoon ariaja pa votiaaj saveej onoon ila ila le irau mateej todi. Tauto tilib pa Ŋgeu Samia wa.^r

¹²Tovenen yam to aneeep izi ndug sambam, tinimim iza ve lolomim poia. Eemoghon yam to taan ve yam to te, apatum gham. Pasa, Ŋgeu Samia tauto izilat. Ve ye iwatag ighaze sawa toni inim igharau wa. Tovenen ate yabyab kat.”

¹³Moot ighita tipiyaava izi inim taan wa. Tovenen ila inaan liva to ipoop natu tamoot, ighaze ighur patajani pani. ¹⁴Eemoghon tigham liva tonenen le bage ru animale manbog, leso iroov ila ina to nepooŋ to ndug balim we, ve ineeep sagan pa moot. Ve Maaron pale mata pani, ve iŋgini pa nepooŋ toni irau ndaman tol ve suruvu.^s

¹⁵Tauto moot inaan liva tonenen, ve ya tiina goŋja ivot pa avo, leso izugua ilale. ¹⁶Eemoghon taan iuuli, ve ikaak avo ve ighun suvun ya to ivot ila moot avo. ¹⁷Tovenen moot ate yabyab kat pa liva tonenen, ve ila ipamundigin malmal pa liva paghu toni pida. Nene yes to matadi kisin tutuuj to Maaron ve titaghoni, ve tivotia ghurla todi ighazooŋ tighaze yes tighur ila to Yesu. ¹⁸Ghoro moot ila iyoon izi naari.^t

Mbeb samia iza pa te

13 ¹Ghoro matag ila le naghita mbep samia eez^u ineeep te lolo ve bokia iza. Mbeb tonowen, daba liim ve ru, ve ndooŋa saangul. Ndoon toni saangul tonowen, moghar saangul tinimale moghar to yes kinik tineep ila. Ve timbood saveej naol ila daba liim ve

o 12:8-9 Lu 10:18; Yo 12:31; 2Kor 11:3; Syg 20:2+ **p** 12:10 Sadan iza, nene pughu tovene: ‘Ŋgeu to ŋgaliij saveej.’ **q** 12:10 Yop 1:9+; Sek 3:1 **r** 12:11 Yo 12:25; Ro 16:20; 1Yo 5:4; Syg 7:14 **s** 12:14 Igham 19:4; 1King 17:1+; Dan 7:25; Syg 11:2+, 13:5 **t** 12:18 Syg 1:9, 11:7, 13:7, 14:12 **u** 13:1 Mbeb samia tonene avaat iza to gavman samsamiadi to tighaze tigham tamtoghon to Maaron tipul ghurla todi. Tovenen tighurghur patajani padi, ve tirab di timatmaat. Sawa to Yoan, gavman to Rom tighamgham tovene.

ru tinim mbef tonenen iza. Iza naol tonowen, ighaze ŋgeu eta to taan igham di, nene iveleg Maaron ve ipait tau sorok inimale ye Maaron.^v
²Mbef samia to you naghita, nagho inimale lepad, aghe inimale bea, ve avo inimale laion.^w

Ghoro moot ighur tapiri ve iza ila toni, ve ighuri ineeq ila tau ina to ghamuŋ pooz, ve ighur mbef naol to taan tila mbef tonenen samba, lesa ŋŋin di.^x

³Ve naghita mbef tonenen daba eez, sip ineeq ila. Pasa, muuŋ tirabi imaat. Eemoghon imundig muul toman tini poia. Tamtoghon to tineep izi taan ve titaghon ŋgar to taan, tisob ruŋadi iza pa mbef tonenen ve titaghoni.^y

⁴Ve tiput aghedi pa moot ve tipaiti. Pasa, ye to ighur tapiri ve iza ila to mbef tonenen. Ve mbef samia tonenen paam, tiput aghedi pani ve tipaiti tighaze: “Aighat, sei irau mbef tonene? Ve sei irau iparab tomani ve ilib pani? Maau.”

⁵Maaron ipul mbef samia tonenen ŋŋin ndug irau kaiyo tamoot ru avua ru (42). Sawa tonenen, mbef tonenen ipapait tau iza, ve ipiyaav saveenj velegiŋ naol pa Maaron.^z

⁶Tovenen ikaak avo, ve isavia saveenj velegiŋ naol pa Maaron. Iveleg Maaron iza, iveleg ina to nepooŋ, ve iveleg yes to tinepneep toman Maaron izi sambam ne paam. ⁷Ve Maaron ipul mbef tonenen iparab toman tamtoghon toni patabuaŋa le ilib padi. Ve ighur tamtoghon tisob tineep ila mbef tonenen samba, lesa ŋŋin di. Tinidi, toman gabuadi, aliŋadi, ve ndug todi, naol naol.^a

⁸Ve ival tiina to taan tiput aghedi pa mbef tonenen ve tipaiti. Nene yes to izadi ineeq ila rau to nepooŋ mataad yaryaara maau. Rau tonowen, Sipsip to Maaron to tirabi imaat, ŋŋini. Muuŋ kat, sawa to Maaron ighur sambam ve taan sone, ye imbood tamtoghon toni izadi ila rau tonenen pataghaan wa.^b

⁹Tamtoghon to ighaze le taliŋa, ye irau ilooŋ saveenj tonene, ve igham ŋgar pani pooi.

¹⁰Sawa to mbef samia tonenen igham pooz, yes to Maaron ighur di pa tilooŋ tila ruum to yabyabuun, nene pale tilooŋ tila ruum to yabyabuun itaghon ŋgar toni. Ve yes to ye ighur di pa timaat pa buza, nene pale timaat pa buza. Tovenen Maaron tamtoghon toni patabuaŋa irau tikis ghurla todi tuŋia, ve tiyoon ariaŋa pa badooŋ patanjani.^c

v 13:1 Dan 7:2+; Syg 11:7 w 13:2 Lepad, bea, ve laion, nene mbef samsamia tolu to tintinadi kat, ve tirabrab tamtoghon timatmaat. x 13:2 Dan 7:4+; Syg 12:3 y 13:3 Mbnp 3:15; Syg 17:8 z 13:5 Dan 7:8,25, 11:36; Syg 11:2 a 13:7 Dan 7:21 b 13:8 Lu 10:20; Ep 1:4; Syg 17:8, 20:12+ c 13:10 Yer 15:2, 43:11; Mt 26:52; Hib 6:12; 1Pe 4:19; Syg 14:12

Mbeb samia ite to ineeep taan lolo ve iza

¹¹Ghoro matag ila le naghita mbeb samia ite ineeep taan lolo ve iza. Ndoonja ru inimale sipsip. Eemoghon saveeŋ toni, nene raraate inimale moot.^d

¹²Ye igham ita ite to ivot muuŋ ne nagho, ve ighereb ival tiina lesu tineep ila mbeb tonowen samba. Tovenen tamtoghon tisob to tineep izi taan ve titaghon ŋgar to taan, ye igham di tiput aghedi pa mbeb samia to ivot muuŋ, ve tipaiti. Nene ye to tirabi imaat, ve imundig muul.^e

¹³⁻¹⁴Mbeb samia to inim ru pani, Maaron ipuli igham mbeb gharatooŋadi tintina tivotvot. Tauto ighereb tamtoghon ve titaghon ita ite to ivot muuŋ ne pa ŋgar toni. Ye irau igham yab ineeep sambam ve izi inim taan ila tamtoghon matadi. Kaarom toni tonowen ighamun tamtoghon to taan ŋgar todi. Tauto tigharaat ita ite to ivot muuŋ ne anunu ve tipaiti. Nene ye to tirabi imaat, ve imundig muul.^f

¹⁵Ve Maaron ipul mbeb samia to inim ru pani igham mbeb gharatooŋa ite. Ye igham ita ite anunu to tigharaata ne le yaghur, lesu isavsav inimale mbeb to ineeep mata iyaryaar. Ve yes to tiput aghedi pa anunu tonowen maau, nene pale anunu tonenen isaav, ve tirab di timatmaat.^g

¹⁶Ve ye iyou tamtoghon tisob, ve izoorndug padi ighaze tigham ita ite to ivot muuŋ ne mboom toni ila nimadi waan ma ndamodi inim ghilalooŋ padi. Yes to izadi tintina, ve yes to ledi izadi maau, yes mbaliiŋ taudi ve yes mbolaana, yes mbesooŋa ve yes to mbesooŋa maau ne. ¹⁷Ve tighur tutuuŋ ariana tovene: Yes to ledi ghilalooŋ tonowen, yes moghon to irau tighol mbeb ve tigholia mbeb todi. Ve ighaze maau, nene pale maau. Ghilalooŋ tonowen, nene mbeb samia to ivot muuŋ ne iza.^h

¹⁸Ighaze taghazooŋ pa Maaron ŋgar toni, nene pale tawatag mbeb tonene pughu. Tovenen tamtoghon to le ŋgar, nene pale iwatag ataam to niniij mbeb samia tonowen iza, ve ighilaal pughu. Ghilalooŋ toni, nene 666. Ve nene ghilalooŋ to tamtoghon.ⁱ

d 13:11 Mbeb samia ite to saveeŋ waaro tonene isavia, avaat iza to propet kaaromja to tighamun tamtoghon ŋgar todi, ve tighereb di pa ghamuuŋ ŋgar to Sadan.

e 13:12 Mt 7:15, 24:11 **f 13:13-14** Lo 13:1+; Mt 24:24; 2Tes 2:9+ **g 13:15** Dan 3:4+

h 13:17 Syg 14:9+, 16:2, 19:20, 20:4 **i 13:18** Ndiran ŋgara pida matadi iŋgal tighaze: 7, nene iza to mbeb to poia kat ve denja moghon. Tovenen 7, nene Maaron namba toni. Ve 6, nene iza to mbeb to izuarua tau kat ighaze le inim Maaron tau, eemoghon iraua maau. Tovenen 666, nene iza to yes to tiveleg Maaron, ve tipait taudi izadi tighaze le tigham Maaron ina. Muuŋ ve inim, daba pida to taan tigham ŋgar tovene. Ve sawa to Yoan paam, kinik tiina to Rom igham ŋgar tovene. Ŋgara pida tighaze namba 666 ijarua kinik samia eez to yes Roma, iza Nero. Pasa, yes Israela ledi ataam to niniij leta to tineep ila tamtoghon izadi. Ve ighaze tanin leta to Nero iza itaghon ataam todi, nene ivot inim 666.

Timbou mbouj paghu izi lolooz Zion

14 ¹Ghoro matag ila le naghita Sipsip to Maaron toman tamtoghon toni ndiñndiñ ndiñndiñ (144,000) tiyondyood izi lolooz Zion. Tamtoghon tonowen, timbood yesuru Tama Maaron izadi ila ndamodi.^j
²Mala maau ve naloøj ival tiina aliñadi ineep sambam ve izi inim. Avolutu tiina kat inimale ya katindi tiyatyaat tizizi, ma lalaav avolutu. Ve naloøj mbep avolutu poia kat inimale tamtoghon tirab gita ma venen. ³Ival tiina tonowen timbou mbouj paghu igharau Maaron ina to ghamuuj pooz ila yes nginiña tamoot ee ve paan (24) toman mbep matadi yaryaara paan matadi. Ival tiina tonenen, yes tamtoghon ndiñndiñ ndiñndiñ (144,000) to taan to Sipsip to Maaron ighol di tinim le, ve ipas di tivot pa samia tapiri. Ve yes moghon to irau tiwatag mbouj tonowen ve timboui.^k
⁴Nene yes to tighur maat maau. Tiñgin taudi pooi. Tovenen tiñgalaan ila Maaron mata.^l
 Ve ndug sine to Sipsip to Maaron ighaze ila pani, nene yes titaghoni moghon. Ye ipas di ila ival tiina to taan lolodi, ve ighol di tinim le wa. Tovenen yes tinimale aniñ mata to tighuri ila to Maaron yesuru Sipsip toni pa tipait di.^m
⁵Ve saveenj kaarom eta ivot ila avodi maau. Tauto ledi sosor eta ila Maaron mata maau.ⁿ

Añela tol

⁶Ghoro matag ila le naghita añela eez iroov ila tata. Varu poia to ineep irau sawa isob, nene ineep toni. Ye le uraat pa ivotia saveenj tonowen pa tamtoghon tisob to tineep izi taan. Yes to ndug ndug. Ve tinidi toman aliñadi, ve gabuadi, naol naol.^o
⁷Añela tonowen isaav aliña tiina ighaze: “Sawa to gabizoøj tamtoghon ve ghuruuj atia padi, tauto ivot wa. Tovenen amatughez pa Maaron, ve apait iza pa tapiri ve poia toni. Ye to ighur sambam, taan, te, ve ya tisob to tivotvot ila taan lolo. Tovenen aput aghemim pani ve apaiti.”^p
⁸Mala maau ve añela ite, ana itaghoni inim, ve isaav ighaze: “Ndug tiina Babilon itap wa! Itap le isami kat! Ndug to igheghereb

j 14:1 Syg 7:3+ **k 14:3** Mbo 149:1; Syg 5:9 **l 14:4** Saveenj to Yoan imbooda, isaav tovene: Tamtoghon 144,000 to saveenj waaro tonene isavia di, tila to yes ndiliva ve yesña tigheen maau. Ndiran ngara katindi tighaze saveenj tonene, nene saveenj palelaan to injarua yes to tineep sagan pa maaron kaaromña ve ngar samsamia to taan, ve titaghon ngar ngalaanja moghon ila Maaron mata. **m 14:4** 2Kor 11:2; Ep 5:27; Yems 1:18 **n 14:5** Kol 3:9 **o 14:6** Mk 13:10 **p 14:7** Syg 15:4

tamtoghon pa ŋgar toni samsamia, ve ighamun ŋgar todi inimale ipaghun di pa ya ariaŋa, tauto aazne izi inim mbbeb sorok.”^q

⁹Aŋela tonowen inim ila, ghero ite inim tol pani, ana itaghton yesuru inim, ve isaav aliŋa tiina tovene: “Ighaze tamtoghon eta iput aghe pa mbbeb samia, ma mbbeb tonowen anunu, ve ipaiti, ve igham ghilalooŋ toni ila ndamo ma nima, ¹⁰nene ye pale ighun ila rubruub to ivon kat pa mbalmbali to Maaron. Mbalmali toni tonowen, nene inimale vaen to ariaŋa kat. Irau Maaron itoor ya ite paam tomani ve irab matin tapiri ne maau. Tovenen tamtoghon tonenen pale tighur yabyabuŋ tiina pani, ve yab toman yaam salfa tuntunu to vuzi samia ighani ila aŋela patabuaŋa to Maaron ve Sipsip toni matadi.”^r

¹¹Ndiran tovene, yab to ighan di, nene pale mbuasa izaza tovene itaghtoni taghtoni gha ila. Irau isob maau. Tovenen yes to tiput aghedi pa mbbeb samia, ma mbbeb tonowen anunu, toman yes to tigham ghilalooŋ toni, yab pale ighan di tovene irau mboŋ ve ndag itaghtoni taghtoni gha ila. Irau atedi izi pa yabyabuŋ maau.”^s

¹²Tovenen Maaron tamtoghon toni patabuaŋa irau tiyoon ariaŋa pa badooŋ pataŋani. Nene yes to titaghton tutuuŋ to Maaron ve tighur ila to Yesu ariaŋa.”

¹³Aŋela tonowen isavsaav le isob, ghero nalooŋ saveeŋ ineeŋ sambam ve izi inim ighaze: “Umbood saveeŋ tovene: Aazne ve ila, yes to tineep tunja ila to Tiina toit Yesu le irau mateeŋ todi, nene pale poia to Maaron iza todi ve tinidi iza.”

Maaron Avuvu paam isavia saveeŋ ee moghon ighaze: “Onoon kat, yes pale atedi izi pa uraat ve pataŋani todi. Ve ŋgar popoia to tigham di, pale tineep toman di ve tila.”^t

Sawa to youŋ aniiŋ to Maaron to imatu wa

¹⁴Ghero matag ila le naghita yaghur tae pisisooŋa, ve ŋgeu eez mbole izala pogho. Iŋgeu tonowen, nagho inimale Tamtoghon Natu, ve moghar to kinik ineeŋ ila daba. Moghar tonowen, tigharaata pa gol. Ve ye ikis buza kooka eez to mata kat.”^u

¹⁵Ghero aŋela ite ivot pa Rumai Tiina to sambam we, ve imboob pa ŋgeu to ineeŋ izala yaghur tae ighaze: “Sawa to ŋgogaŋ aniiŋ, ighaze ivot tonene. Pasa, aniiŋ wit tiom to titub izi taan, timatu wa. Tovenen ugham buza tiom kooka tonanan, ve undeeb di tizi.”^v

¹⁶Tovenen ŋgeu to ineeŋ ila yaghur tae pogho, igham buza toni, ve indeeb wit tisob to titub izi taan, leso tiyou di ve tilup di ila ruum to aniiŋ.”^w

q 14:8 Is 21:9; Yer 51:8; Syg 17:1+ **r 14:10** Mbo 11:6, 75:8; Is 51:17; Syg 13:16+

s 14:11 Jud 1:7 **t 14:13** 2Tes 1:7; Hib 4:10 **u 14:14** Ezek 1:26; Dan 7:13; Mk 13:26

v 14:15 Mk 4:29 **w 14:16** Saveeŋ waaro tonene avaat isavia sawa to Kriŋi imuul inim ve iyou tamtoghon toni.

Mbalmbali to Maaron iza to tamtoghon

¹⁷Mala maau ve aŋela ite, ana ivot pa Rumai Tiina to sambam we. Ye paam, ikis buza kooka eez to mata kat. ¹⁸Ghoro aŋela ite paam to iŋgin yab to artaal, ipul artaal ve ivot, ve imboob pa ita ite to ikis buza kooka ighaze: “Vaen to taan tisob tibulbuul wa. Ugham buza tiom tonanan ula utotoor di, ve ulup di.” ¹⁹⁻²⁰Tovenen aŋela tonowen igham buza toni, ve ila itotoor vaen to tineep izi taan ne anoŋadi tisob tizi. Ghoro iyou di ve ilup di, ve igham di ila, ve isuruuv di tila Maaron ndug toni to pisoonj vaen to ineep ndug tiina dige. Pasa, sawa to mbalmbali to Maaron iza todi, tauto ivot wa. Tovenen tivazag vaen anoŋa tonowen izi ndug to pisoonj vaen le suru tiina kat ivot. Ve ipot iza le raraate pa hos aze. Ve ireer ila ndug mala irau 300 kilomita ma venen. Vaen suru tonowen, nene siŋ to tamtoghon to imaliŋ.^x

Aŋela liim ve ru tikis pataŋani liim ve ru

15 ¹Ghoro matag ila le naghita mbep tiina ite ivot izi sambam inim ghilaloonj. Ghilaloonj tonowen, ite kat. Nagham ŋgar pani le naraua maau. Naghita aŋela liim ve ru tikis pataŋani liim ve ru to samsamiadi kat. Pataŋani tonowen pale tivot pa tipasob mbalmbali to Maaron.^y

Tamtoghon to Maaron tipait iza ila mbouj

²Ve naghita mbep ite. Tigharaata pa galas toman yab, ve ghitoonja inimale te. Ve Maaron tamtoghon toni tiyoon ila dige. Nene yes to tiyoon ariana, ve tilib pa mbep samia toman anunu, ve namba to inim ghilaloonj pa iza. Yes tiput aghedi pani maau, ve tigham namba toni maau. Yes tikis gita to Maaron igham padi, ve tipait Maaron iza ila mbouj.^z

³Yes timbou mbouj to Mose, ye mbesoonja to Maaron. Mbouj tonowen iŋarua Sipsip to Maaron paam.^a

Timbou tovene:

“O Maaron, Tiina tiei, tapirim ilib pa mbep to naol ne.

Uraat to yom ughamgham di, nene tintina kat. Nigham ŋgar padi le niraua maau.

Yom kinik tiina kat to uŋgin ndug tisob. Ve ŋgar tiom, nene denja ve onoon moghon.^b

x 14:19-20 Syg 19:15 y 15:1 Syg 11:18 z 15:2 Syg 4:6, 12:11, 13:15+ a 15:3 Muuŋ, yes Israela tiyoon ila Te Kaviaana dige ve tipait Maaron iza ila mbouj pa ulaanj toni. Tamtoghon to saveej waaro tonene isavia di, tovene paam. Tipait Maaron iza ila mbouj. Pasa, Sipsip to Maaron igham mulin di, ve ighur atia pa koiadi. b 15:3 Igham 15:1+; Lo 32:4+; Mbo 111:2

⁴ Tiina tiei, yom moghon to patabuanj. Tovenen tamtoghon tisob irau timatughez payom ve titaghon ngar tiom, ve tipait izam pa tapirim ve poia tiom.

Ndug naol pale tisob tinim tiput aghedi payom, ve tipait ghom.

Pasa, ngar tiom to ughurghur atia pa tamtoghon, tauto upatoonja ivot ighazonj wa.”^c

Oon liim ve ru to tivon pa mbalmbali to Maaron

⁵ Muri ghero, matag ila le naghita mbeez patabuanj to inim rumai izi sambam. Lolo to patabuanj kat ne, ataama ikaak. Nene lolo to saveenj mbuaan to Maaron toman tutuun toni ineeq ila.^d

⁶ Añela liim ve ru to naghita di muun, tineep mbeez tonowen lolo ve tivot. Yes tikis patañani liim ve ru to samsamiadi kat, le irau di. Añela tonenen nonogiina todi ngalaana ve milmilia kat. Ve mbeb milmilia to tigharaat di pa gol, tineep tiluvut atedi. ⁷ Ghero mbeb matadi yaryaara paan, todi eez irei oon geegeu liim ve ru, le irau di. Oon liim ve ru tonowen, tigharaat di pa gol, ve tivon kat pa mbalmbali to Maaron to ineeq irau sawa isob. ⁸ Ve Maaron nguruba ve tapiri toman mbuasa ivot, le ipavonin Rumai Tiina to iyoon izi sambam ne lolo. Tauto eta irau iloonj ila maau. Pale tineep ve tisañan, le añela liim ve ru tonenen tipasob uraat todi to ghuruun patañani pa tamtoghon le isob, ghero tiloonj tila.^e

Tamtoghon tiyamaan katin mbalmbali to Maaron

16 ¹ Ghero naloonj bobaan tiina ivot ila rumai lolo to sambam we, ve inim pa añela liim ve ru tonenen ighaze: “Mbalmbali to Maaron to ineeq ila oon tiam lolodi, ala aliñi izila pa taan.”

² Ghero añela to imuunjadi, igham oon toni, ve ila ilin mbalmbali to Maaron izila pa taan. Tovenen yes to tigham ghilaloonj to mbeb samia ve tipait mbeb tonowen anunu, mbotmboot igham di. Mbotmboot tonowen poia maau. Mbotmboot samsamia, ve yabyabuuna tiina kat.^f

³ Ghero añela ite inim ru, ana igham oon toni, ve ila ilin mbalmbali to Maaron izila pa te, le te itoora inim siñ to yes mateeja. Tovenen mbeb to tineep ila te lolo, timatmaat le tisob. Eta ineeq muul maau.^g

⁴ Ghero añela ite inim tol, ana igham oon toni, ve ila ilin mbalmbali to Maaron izila pa ya, le ya tisob tinim siñ paam. Ya to tirereer, ve ya to tivotvot ila taan lolo ne paam. ⁵ Ve naloonj añela to ingin ya, isaav pa Maaron ighaze:

“Yom uneep muun, ve aazne paam. Ve yom patabuanj kat.

c 15:4 Mbo 86:9 d 15:5 Syg 11:19 e 15:8 Igham 40:34 f 16:2 Igham 9:9+; Syg 13:12+ g 16:3 Syg 8:8+

Ŋgar to ughami pa uyat ŋgar samsamia to tamtoohon, nene denja moghon.^h

⁶ Pasa, yes tirab tamtoohon tiom patabuaŋa ve yes propeta, ve siŋ todi imaliŋ.

Tauto anam ugham di tighun siŋ. Atia todi tonowen, denja kat pa ŋgar to yes tighami.ⁱ

⁷Ve nalooŋ saveenj ineeep artaal ve ivot inim ighaze: “Onoon kat. Maaron, Tiina tiei, tapirim ilib pa mbef to naol ne. Gabizooŋ tiom ve atia to ughuri pa tamtoohon, nene denja ve onoon moghon.”

⁸Ghoro aŋela ite inim paan, ana igham oon toni, ve ila iliŋ mbalmbali to Maaron iŋarua ndag. Tovenen ndag ighaaz kat, ve isalaam tamtoohon inimale yab.^j

⁹Ndag ighaaz katin di, le tinidi isapoop. Eemoghon lolodi pa titoor ŋgar todi maau, ve tipait Maaron iza maau. Timundig ve tipiyaav saveenj samsamia naol pani. Pasa, yes tiwatag: Ye to iŋgin pataŋani tonowen.

¹⁰Ghoro aŋela ite inim liim, ana igham oon toni, ve ila iliŋ mbalmbali to Maaron iŋarua mbef samia ina to ghamuunj pooz. Tovenen yes to tineep ila mbef tonowen samba, ndoroom tiina ikau di. Ve yabyabuunj tiina igham tamtoohon le livodi kikikia.^k

¹¹Tovenen tipiyaav saveenj samsamia naol pa Maaron to sambam. Pasa, yabyabuunj tiina ve mbotmboot samsamia igham di. Eemoghon titoor ŋgar todi ve tipul ŋgar todi samsamia maau.^l

¹²Ghoro aŋela ite inim liim ve eez, ana igham oon toni, ve ila iliŋ mbalmbali to Maaron iŋarua ya tiina Euprates, le imaak ve imamaas. Leso igharaat ataam pa yes kinik to ndag iza tinim.^m

¹³Ve naghita avuvu samsamiadi tol. Ghitooŋadi inimale ŋgob. Eez ivot ila moot avo, ite ivot ila mbef samia avo, ve ite inim tol pani, ivot ila propet kaarom to igham mbef samia nagho ne avo.ⁿ

¹⁴Avuvu samsamia tonowen pale tigham mbef gharatooŋadi tintina tivotvot tinim ghilalooŋ pa tamtoohon. Ighaze sawa tiina to Maaron ariana iŋgabiiz tamtoohon ve ighur atia padi inim igharau, nene pale tila tipazaagh yes kinik irau taan isob, lesa tiyou yes ndaaba todi tinim, ve tipamundigin malmal pa Maaron.^o

¹⁵[Ve matamim iŋgal Krisi aliŋa to isaav ighaze:] “Alooŋ. You pale nanim nakarmotin gham nanimale ŋgeu yubyub. Tovenen tamtoohon to ighaze igharaat tau pataghaan, ve ipamaat ariana le nanim, nene pale tini iza pa poia to Maaron to pale iza toni. Eemoghon ighaze tamtoohon

h 16:5 Mbo 119:137 **i 16:6** Mt 23:34+; Syg 11:18 **j 16:8** Syg 8:12

k 16:10 Igham 10:21+; Syg 9:2 **l 16:11** Syg 9:20+ **m 16:12** Syg 9:14

n 16:13 1Yo 4:1+; Syg 12:3+, 13:1,11 **o 16:14** Mbo 2:2+; Mt 24:24; 2Tes 2:9; Syg 17:14

eta igharaat tau maau, nene pale iwaghamgham, ve maya inimale ŋgeu to kambaŋbaŋjiŋa.”^p

¹⁶Tovenen avuvu samsamiadi tonowen tila tiyou yes kinik toman ndaaba todi, ve tilup di izi ndug to tiwaat iza ila saveeŋ Hibru tighaze Armagedon. Leso tigham malmal tonowe.^q

¹⁷Ghoro aŋela ite inim liim ve ru pani, ana ila iliŋ mbalmbali to Maaron izila pa tata. Ve bobaan tiina ivot ila Maaron ina to ghamuun pooz to Rumai Tiina lolo we. Isaav ighaze: “Tau tonene. Isob wa!” ¹⁸Ghoro ndug milia, lalaav irabrabi guruŋguruŋja ve yongyoog itok. Yongyoog tonowen, tiina le tiina kat. Sawa to Maaron ighur tamtoohon tivot izi taan ve inim, yongyoog tiina eta tovene itok taan pa eta sone. ¹⁹Yongyoog tonowen igham taan to ndug tiina Babilon ivavaal le inim suruvu tol. Ve ndug tintina irau taan to naol ne tovene paam, tisami ve timbiriis. Tovenen Maaron lolo imaagh pa ndug tiina Babilon^r

sosor toni maau. Mata iŋgalŋgali, tauto ipaghuni pa vaen ariana kat. Vaen tonowen, nene mbalmbali toni to tiina le tiina kat.^s

²⁰Sawa tonenen, mutu tisob tilaledi. Ve lolooz paam, eta inee muul maau.^t

²¹Ve ais patu patu tintina titaptap sambam ve tizizi, ve tirabrab tamtoohon. Ais tonowen, gegegeu maau. Patani to patua ejaeja, nene irau 50 kilogram ma venen. Tovenen tamtoohon tipiavaav saveeŋ samsamia naol pa Maaron. Pasa, patani tonowen, tiina le tiina kat.^u

Liva to ataam to ighereb tamtoohon pa ghamuun ŋgar samsamia

17 ¹Ghoro yes aŋela liim ve ru to tikis oon liim ve ru, todi eez inim ve isaav payou ighaze: “Unum ve napatoon ghom pa atia to pale ijarua liva to ataam to mbole izala ya tintina naol poghodi. Liva tonowen, ye iza tiina kat.”^{v w}

²Ye to ighereb yes kinik to taan, ve yesja tighurghur maat.^x

p 16:15 Mt 24:42+; 1Tes 5:2+; 2Pe 3:10 **q 16:16** Sek 12:11; Syg 19:19 **r 16:19** Babilon, nene iza to ndug tiina Rom, toman ŋgar naol to taan to iweu tamtoohon ve tighur muridi pa Maaron. Yoan lolo pa iwaat Rom iza kat malep, tauto iwaata ighaze Babilon. **s 16:19** Syg 11:13, 14:8+, 18:2+ **t 16:20** Syg 6:14 **u 16:21** Igham 9:23+; Syg 11:19 **v 17:1** Liva to ataam ve ndug tiina Babilon, nene saveeŋ palelaan ru to tiza to ndug tiina Rom, toman ŋgar naol to taan to tiweu tamtoohon ve tipul muridi pa Maaron. Ya naol tonene tiza to ndug ndug to taan. Liva tonene mbole izala poghodi pasa, ye to iŋin di. Nduŋ tiina Babilon to inee ila taan to yes Babilona, nene le ya katindi to tireer ila ndug lolo. Saveeŋ tonene, pughu tovene: Ŋgar to Babilon (o ŋgar samsamia to taan) ighamgham pooz pa ndug ndug. **w 17:1** Yer 51:12+; Syg 18:1+ **x 17:2** Ghuruun maat tonene, nene iza to ŋgar to taghur lolood pa mbab to taan, ma maaron kaarom eta, ve tapul muriid pa Maaron tau.

Ve yes kinik moghon maau. Ye ighamun ŋgar to ival tiina to tineep izi taan, ve titaghoni pa ŋgar toni samia le inimale tighun vaen ariana ve ŋgar todi iwaghamgham.”^y

³Ghoro Avuvu Patabuanj tapiri iza tiou, ve aŋela tonowen igham ghou nala navot ndug balim. Navot tonowe, ve naghita liva eez inepneep. Mbole izala mbep samia eez pogho. Mbep tonowen, tini kaviaaŋa kat, ve bodeenj naol tineep irau tini isob. Bodeenj tonowen, tinimale iza. Ve iza naol tonowen, pughudi ee moghon. Pughudi tovene: Ye iveleg Maaron, ve ipait tau iza ighaze ye Maaron. Mbep tonenen, daba liim ve ru, ve ndooŋa saangul.^z

⁴Liva tonowen indudi pa nonogiiŋa poia kat to bodeenja aindan ve kaviaaŋa. Ve itiktiik tau pa mbep popoiadi naol tinimale gol, yaam milmilia pida, ve ŋgool atulu. Ye ikis rubruub eez to tigharaata pa gol. Rubruub tonowen ivon pa ŋgar samsamia naol ve ŋgar to ghuruuŋ maat to liva tonenen ighamghami. Ŋgar tovene iŋgalaanj ila Maaron mata maau. Samia kat. ⁵Ve timbood liva tonenen iza ila ndamo. Iza tonowen, saveenj palelaanj. Isaav tovene:

“Nene ndug tiina Babilon. Ndiliva to ataam toman tamtoghon tisob to tighamgham ŋgar samsamia kat izi taan, ye to inim tinandi. Pasa, ye to ipapazaagh di pa ghamuuŋ ŋgar tovene.”^a

⁶You naghita liva tonenen ighun, le ŋgar toni iwaghamgham. Pasa, Maaron tamtoghon toni patabuaŋa to tipariaanj Yesu saveenj toni, ye ikaria ghunuŋ siŋ todi. Ye to ipazaagh tamtoghon pa rabuuŋ di timatmaat. You naghita, le naghama ŋgar naol ve ŋgar tiou iwaghamgham.^b

⁷Tovenen aŋela tonenen ighason ghou ighaze: “Pughu vena to yom ugham ŋgar naol? Mbep samia to daba liim ve ru ve ndooŋa saangul, toman liva to inep izala mbep tonowen pogho, nene ŋgara yongaanj. Eemoghon you pale napaghazonan ghom pani. ⁸Mbep samia to yom ughita ne, muuŋ ye inep. Ve aazne, inep maau. Eemoghon mala maau pale iza muul pa saambu to le pughu maau. Ve inep ris, ghoro Maaron iwaghamuni ve ilale. Muuŋ kat, sawa to Maaron ighur sambam ve taan sone, timbood tamtoghon toni izadi ila rau to nepooŋ mataad yaryaara wa. Tamtoghon tisob to izadi inep ila rau tonowen maau, yes pale tighita mbep samia ve ruŋadi iza pani. Pasa, muuŋ, ye inep. Ve aazne inep maau. Eemoghon muri pale ivot muul.”^c

⁹“Tamtoghon to le ŋgar, ye pale ighazoŋ pa mbep tonene pughu. Mbep samia daba liim ve ru, nene tiza to lolooz liim ve ru to liva tonenen inep izala.”^d

y 17:2 Yer 51:7; Syg 14:8, 18:3 z 17:3 Syg 13:1-8 a 17:5 Syg 14:8 b 17:6 Syg 6:9, 12:11, 16:6 c 17:8 Dan 12:1; Syg 13:1+ d 17:9 Ndug tiina Rom inep izala ndug mbuŋa liim ve ru.

Ve tiza to kinik liim ve ru paam. ¹⁰Todi liim, uraat todi isob ve tizi wa. Ve ite inim liim ve eez, tauto aazne inepneep ve ighamgham pooz. Ve ite inim liim ve ru, ye ivot sone. Eemoghon sawa to ighaze ivot, ye pale ineeep mala ris. ¹¹Mbeb samia to muuŋ ineeep ve aazne ineeep maau, nene kinik to inim liim ve tol pani. Yesŋa kinik liim ve ru tonowen, ŋgar todi raraate. Ye pale ineeep ris, ghero Maaron iwaghamuni ve ilale.

¹²“Ve ndooŋa saanŋul to ughita di, nene tiza to kinik saanŋul. Eemoghon sawa todi to ghamuuŋ pooz, nene sone. Pale tisaŋan le sawa to yesŋa mbeb samia tigham tapiridi, ghero tilup di, ve tiŋgin taan pa sawa rismoghon.^e

¹³Kinik saanŋul tonowen, ŋgar todi ee moghon. Ve yes pale tighur tapiridi toman mbeb naol to tiŋgin di tisob tila to mbeb samia, lesa tipaloti. ¹⁴Ve yesŋa mbeb samia pale tilup di, ve tiparab toman Sipsip to Maaron ve tamtoghon toni. Eemoghon pale tiraua maau. Sipsip to Maaron pale ilib padi. Pasa, ye tiina ilib pa ndimarona tisob. Ve ye kinik tiina to ilib pa kinik tisob. Tamtoghon toni, nene yes to ye tau isia di ve ipoi di tinim le, ve tikis ghurla todi ariana.”^f

¹⁵Ghero aŋela tonenen isaav payou muul ighaze:

“Ya naol to ughita liva to ataam mbole izala poghodi, nene tiza to ndug ndug to taan to tinidi, toman aliŋadi ve gabuadi naol naol. ¹⁶Ve mbeb samia ndooŋa saanŋul to ughita di ne, tiza to kinik saanŋul. Muri pale yesŋa mbeb tonowen titoor ŋgar todi, ve tighur koi pa liva to ataam, ve tiwaghamuni kat. Pale tireep nonogiiŋa toni le kambaŋ, ve tighan minda le isob, ghero tipiyaava izala yab ighani ve ilale.^g

¹⁷Pasa, Maaron ighur ŋgar ineeep ila kinik saanŋul tonowen lolodi wa ighaze tilup ŋgar todi inim ee moghon, ve tipul mbeb to tiŋgin di tila mbeb samia nima. Lesa iŋgin di, le irau Maaron saveenj toni anoŋa ivot. Tovenen ŋgar tonene pale ivot itaghon Maaron tau ŋgar toni.

¹⁸“Liva to yom ughita, nene iza to ndug tiina to ighamgham pooz pa kinik tisob to taan.”

Babilon itap izi inim mbeb sorok

18 ¹Muri ghero, matag ila le naghita aŋela eez ipul sambam ve izi inim. Ye tapiri tiina kat, ve ŋguruba isul taan le ighazoŋ kat.^h

²Ye imboob aliŋa tiina kat ighaze:

“Ndug tiina Babilon isami wa! Itap le isami kat! Aazne, ndug balim kat. Tamtoghon eta ineeep muul maau.

Tauto mbeb naol to tiŋgalaan ila Maaron mata maau ne, tighami inim ledi inadi to nepooŋ.

e 17:12 Dan 7:24 f 17:14 1Tim 6:15; Syg 16:14, 19:19 g 17:16 Ezek 16:37+; Syg 18:8
h 18:1 Syg 10:1

Avuvu samsamiadi, man samsamia, ve mbeb samsamia naol to lolood pa taghita di maau ne, tilup di tonowe.ⁱ

³ Pasa, ndug tonowen to igheghereb ndug ndug pa ghamuunj ŋgar samia ve yesŋa tighurghur maat.

Ye ipaghun di pa vaen toni ariana kat, le ŋgar todi iwaghamgham.

Yes kinik to taan paam, yesŋa tighurghur maat.

Ye ighaze igham mbeb popoiadi naol to taan tinim le, ve ineeŋ poia le poia kat.

Tauto ndiran to raukoliinj tilala toni, ve tigholia mbeb todi ila toni, ve tinim mbaliinj taudi.”^j

⁴Ve naloŋ saveenj ite ineeŋ sambam ve izi inim ighaze:

“Tamtoghon tiou, apul ndug tonanan ve aghau. Pa vene, iyeeŋ gham pa ŋgar toni samia, ve pataŋani to pale iza toni, iza tiam paam.”^k

⁵ Pasa, sosor toni indoui izala izala le ikis sambam paronania wa. Ŋgar toni samsamia naol tonowen, Maaron mata kisin di.^l

⁶ Ŋgar samsamia naol to ye ighamgham di, yam apamuul di timuul tila pani. Ve atia to aghaze agham pani ne, aghur ite paam izala pogho ve agham pani!

Muunj, ye itoor ya ariana pa tamtoghon ve ipaghun di pani. Tovenen aazne, yam irau atoor ya ariana kat, ve aliŋi ila ye tau rubruub toni, le ivon kat. Leso ighuni le isooŋ katini.”^m

⁷ Muunj, ye ipakuri kat, ve igham mbeb popoiadi naol to taan tinim le, ve nepooŋ toni poia kat. Tovenen ye pale iyamaan yabyabuunj tiina ve itaŋ, lesa iyat ŋgar toni tonowen.

Pasa, ye igham tini ighaze: ‘You garawaat tidi. Nambool pa mbeb eta maau. You pale naneep ila inag to ghamuunj pooz, ve nepooŋ tiou poia moghon itaghoni taghoni gha ila. You naar lesa nataŋ? Maau. Pataŋani eta irau ivot payou maau.”ⁿ

⁸ Pataŋani naol to Maaron pale ighur di pani, nene pale tisob tivot pani pa ndag ee moghon. Sawa tonenen, taŋiiz, pitool, ve moroghoonj toman mateenj pale tivot pani. Ve yab pale ighani, le inim avab.

Pasa, Tiina toit Maaron to pale ighur atia pani, ye ariana ve tapiri tiina kat.”^o

i 18:2 Is 13:19+, 21:9; Yer 50:39+ **j** 18:3 Syg 14:8, 17:2 **k** 18:4 Mbnp 19:12+; Yer 51:6; 2Kor 6:17 **l** 18:5 Mbnp 18:20+; Yona 1:2 **m** 18:6 Mbo 137:8; Yer 50:29
n 18:7 Is 47:7+ **o** 18:8 Yer 50:34

⁹Yes kinik to taan to muun yesnja liva tonenen tighur maat ve tigham nepoonj poia kat ila toni, ighaze tighita yab ighani ve mbuasa iza, nene pale lolodi isami kat ve titanj tiina pani.^p

¹⁰Sawa to tighita yabyabuunj tiina ighami, matughezaanj tiina pale igham di, ve tineep sagan ve tijazuuva tighaze:

“Oyai, ukaria taum wa! Aa ndug tiina, ukaria taum wa!

Babilon, yom izam ve tapirim tiina. Eemoghon aazne, ugham atia tiom, ve rikia moghon patajanani tiina igham ghom ve umbiriis.”^q

¹¹Ve ndiran to raukoliinj irau taan isob, pale lolodi ipatajan ve tikausim pani. Pasa, ledi tamtoghon eta to ighol mbep todi muul maau.^r

¹²Muun, tigholia mbep naol naol ila toni: Gol, silva, ngool atulu, ve yaam milmilia pida to popoiadi ve atiadi tintina. Ve uli popoiadi to bodeenjadi pisosooja, aindan, ve kaviana, ve ai pida to vuzidi popoia toman mbep popoia naol to tigharaat di pa elepan ndooja, ve ai popoia to atiadi tintina, ain, baras, ve yaam pida to bodeenjadi popoia. ¹³Ve mbep pida paam to vuzidi popoia ve atiadi tintina. Ve vaen, ngoreen, aniij, makau, sipsip, ve hos toman karis. Ve tigholia tamtoghon paam tinim mbesooja sorok. Mbep naol tonene, irau tiraukol padi tonowe muul maau.

¹⁴Ve yes pale tisaav pa ndug tiina Babilon tighaze: “Mbeb naol to lolom igham padi, eta igharau ghom muul maau. Mbaliinj tiom to popoiadi kat ve ughamgham izam padi, tisob tilaledi wa. Irau ughita di muul maau.”

¹⁵Ndiran to raukoliinj to tigholia mbep todi izi Babilon ve tinim mbaliinj taudi, pale timatughez pa yabyabuunj tiina to ighami. Tovenen yes pale tineep sagan pani, ve tikausim pani tighaze:

¹⁶“Oyai, ukaria taum wa! Ndug tiina, ukaria taum ve usami wa.

Muun, yom undud ghom pa nonogiija popoiadi kat to bodeenjadi pisosooja, aindan, ve kaviana. Ve utiik taum pa mbep naol to tigharaat di pa gol, ngool atulu, ve yaam popoia pida to atiadi tintina.

¹⁷Eemoghon sawa tuku tonene, mbaliinj tiom tisob tisami ve tilaledi.”

Ve yes daba to waanj toman uraata todi, ve yes to tiza waanj toman di, ve tamtoghon tisob to tiravraav pa raukoliinj ne paam, pale tisob tiyoon sagan. ¹⁸Ve matadi ila pa mbuas to izaza pa ndug tiina Babilon, ve tikausim pani tighaze: “Oyai, sa ndug tiina ite paam to irau Babilon?”

¹⁹Tovenen lolodi ipatajan, titanj tiina ve timonj pani. Ve tijazuuva tighaze:

“Oyai, ukaria taum wa! Aa ndug tiina, ukaria taum ve usami kat! Aazne, rikia moghon ve umbiriis ve ulalem. Pale igham vena?”

Mbaliij tiom moghon, tauto yei to lemai waanj ne, nisob ninim mbaliij tau.”

²⁰“Tovenen yam to ndug sambam, yam mbanjoonja to Krisi, yam propeta, ve yam tamtoghon patabuanja to Maaron, lolomim poia ve tinimim iza! Pasa aazne, Maaron ingabiiz ndug tiina Babilon, ve ighur atia pani pa iyat sosor to ye igham payam.”

²¹Ghoro naghita anjela eez to tapiri tiina kat, igham yaam tiina eez ve ipiyaava izila pa te, ve isaav ighaze:

“Ŋgar raraate tovene pale ivot pa ndug tiina Babilon. Pale tireua ilale. Irau tighita muul maau.

²²Tovenen tamtoghon eta pale ineep izi ndug Babilon, ve iloonj mbounj, gita, tavuur, sab, ma mbeb ite paam avolutu tonowe muul maau.^s Ve ndiran to tighagharaat mbeb naol naol ne paam, eta pale ineep tonowe muul maau.

Ve yaam tintina to mumuunj wit inim palawa ne paam, irau taloonj avolutu ila ndug lolo muul maau.

²³Ve lam eta irau ighan ila ndug lolo muul maau.

Ve oroor to vaivaia papaghu irau ivot ila ndug lolo muul maau. Ndiran tiom to raukoliij tiraua kat. Tilib pa tamtoghon tisob to taan.

Ve mur tiom, nene ighamun ndug tisob ngar todi le tiyel pa ataam to Maaron.

²⁴Yom urabrab tamtoghon patabuanja to Maaron ve yes propeta toni toman ival tiina to taan, ve sij todi imaliij. Tovenen lem sosor tiina kat ila Maaron mata.”^t

Tipait Maaron izi ndug sambam

19 ¹Muri ghoro, naloonj oroor tiina ivot izi ndug sambam inimale ival tiina kat timbou. Tighaze:

“Aleluia, tapait Tiina toit Maaron! Ye igham mulin ghiit ve taneep poia wa. Ye iza tiina. Ve tapiri paam, tiina le tiina kat.”^u

²Ighaze ye ingabiiz tamtoghon ve ighur atia padi, gabizoonj toni, nene denja ve onoon moghon.

Liva to ataam to iza tiina, ye igheghereb tamtoghon to taan pa ngar toni samsamia, ve yesja tighurghur maat. Tauto Maaron ighur atia pani.

s 18:22 Yer 25:10 **t 18:24** Mt 23:35+; Syg 17:6+ **u 19:1** Syg 7:10,12

Muuj, liva tonowen irabrab mbesooŋa to Maaron ve siŋ todi imamaliŋ. Tauto aazne, Maaron iyat ŋgar toni tonowen.”^v

³Ghoro ival tiina tonowen timboob muul tighaze: “Aleluia! Yab to ighan liva samia tonowen, mbuasa pale izaza tovene itaghoni taghoni gha ila.”^w

⁴Ghoro ŋginiŋa tamoot ee ve paaj (24), toman mbep matadi yaryaara paaj, titap tizi ve tipait Maaron to inep ila ina to ghamuuj pooz ne iza tighaze: “Aleluia! Onoon kat. Iit tapait Maaron iza!”

⁵Ghoro saveej ivot ila Maaron ina to ghamuuj pooz ve inim ighaze: “Yam mbesooŋa to Maaron to amatughez pani ve ataghon ŋgar toni, asob apait Maaron toit iza! Yam to izamim tintina, ve yam to lemim izamim maau ne paam.”^x

⁶Mala maau ve naloŋ oroor tiina ivot izi sambam muul. Oroor tonowen, inimale ival tiina timboboob. Ve inimale ndug to ya katindi tiyatyaat tizi pani, ve inimale lalaav kiliŋa. Ival tiina tonowen tisaav tighaze:

“Aleluia! Iit tapait Tiina toit Maaron iza. Ye tapiri tiina kat. Ilib pa mbep to naol ne. Ve ighamgham pooz irau sawa isob.”^y

⁷Iit tiniid iza ve lolood poia, ve tapait iza pa tapiri ve poia toni. Pasa, Sipsip to Maaron vaiuuj toni, tauto ighaze ivot tonene. Liva to tisia pani, ye igharaat tau wa.^z

⁸Ye indudi pa nonogiiŋa pisosooŋa to Maaron tau igham pani.

Nonogiiŋa tonowen, iŋgalaaj ve milmilia kat.”

(Nonogiiŋa tonenen iza to ŋgar denjadi naol to Maaron tamtoghon toni patabuaŋa tighamgham di.)^a

⁹Ghoro aŋela isaav payou muul ighaze: “Umbood saveej tovene: ‘Yes to tipi di tinim pa Sipsip to Maaron vaiuuj toni, ve yesŋa tilup di pa ghanghaniŋ, nene pale tinidi iza pa poia to Maaron to iza todi.’” Ve ipariaaj saveej toni ighaze: “Saveej tonene, nene saveej onoon to Maaron.”^b

¹⁰Ye isaav tovene, ve natap nazi aghe pughu naghaze napaiti.

Eemoghon ye iŋgalsekin ghou ighaze: “Wai, ugham vene malep! You mbesooŋa to Maaron nanimale yom ve yes tojvetaz tiom to yamŋa akis saveej onoon to Yesu ariana, ve apariaaj tamtoghon pa tighur ila toni. Tovenen uput aghem ve upait Maaron moghon. Pasa, uraat tau to yes propeta, nene vene: Yes tipariaaj tamtoghon, leso tighur ila to Yesu.”

Malmal tiina to Mboŋ Muri

¹¹Ghoro matag ila le naghita sambam ikaak. Ve naghita hos pisosooŋa eez, ve ŋgeu eez inep izala pogho. Iŋgeu tonowen, tiwaata tighaze: ‘Iŋgeu

v 19:2 Syg 15:3, 16:7 w 19:3 Syg 18:9,18 x 19:5 Mbo 22:23; Syg 11:18
y 19:6 Mbo 93:1; Syg 11:17 z 19:7 Mt 22:2; 2Kor 11:2; Ep 5:32; Syg 21:2,9
a 19:8 Is 61:10; Syg 3:5 b 19:9 Lu 14:15+

to ighamgham Ŋgar onoon, ve itaghon saveen mbuaan toni.' Sawa to ingabiiz tamtoohon ve ighur atia padi, ma igham malmal, ye itataghon Ŋgar denja moghon.^c

¹²Mata animale yab yama. Ve moghar katindi to kinik tineep ila daba. Ve timbood iza ila tini pataghaan wa. Iza tonowen, tamtoohon ite paam iwatag pughu maau. Ye moghon to iwatagi.^d

¹³Nonogiina toni, sinj ikaria le isami. Ve tiwaat iza tovene: 'Ŋgeu to ipaghazonan ghiit pa saveen ve Ŋgar to Maaron.'^e

¹⁴Ye imuun, ve ndaaba katindi to sambam titaghooni. Yes tineep izala hos pisosoonjadi poghodi, ve nonogiina todi pisosoonja ve ngalaajadi kat.

¹⁵Ŋgeu to imuun padi, buza eez to mata kat ineep ila avo. Leso imbut tamtoohon to ndug ndug pani. Ve ye pale ingin di ve igham pooz padi. Ve pooz toni, nene ariana kat. Tovenen ye pale ivazag di ila aghe samba, ve sinj todi ireer animale vaen to tivazagi ve suru izi. Leso ipatoon mbalmbali to Maaron padi. Ye Maaron ariana to igham pooz pa mbeb to naol ne.^f

¹⁶Ŋgeu tonenen, timbood iza ila nonogiina toni ve ila ngoi paam tovene: 'Kinik To Ilib pa Kinik Tisob, ve Maaron Tiina To Ilib Pa Ndimaronja Tisob.'^g

¹⁷Ghoro naghita ajela eez iyoon ila ndag lolo, ve imboob ila pa man tisob to tirovroov ila tata paronania ighaze: "Yam anim alup gham pa ghanghaniin tiina to Maaron!"^h

¹⁸Leso aghan tamtoohon tisob to taan mindadi. Yes kinik, yes daba to malmal, yes to tapiridi tintina, hos toman yes to tilaan padi, yes mbesoonja, yes to mbesoonja maau ve tingin taudi, yes to izadi tintina, ve yes to ledi izadi maau ne paam. Aghan di tisob."ⁱ

¹⁹Ghoro naghita mbeb samia ve yes kinik to taan toman ndaaba todi tila tilup di tighaze tigham malmal pa Ŋgeu to ineep izala hos pisosoonja pogho, toman ndaaba toni.ⁱ

²⁰Eemoghon tapiridi iraua maau. Mbeb samia tonenen, yesuru ita ite to propet kaarom, Ŋgeu tonowen toman ndaaba toni tigham di, ve tipiyaav di matadi iyaryaar ve tizila saambu tiina to ivon pa yaam salfa ve yab to ighanghan irau sawa isob. Propet kaarom tonowen, muun igham mbeb samia nagho, ve ighamgham mbeb gharatoonjadi ila tamtoohon matadi. Tauto itombaan di ve tigham ghilaloon to mbeb samia, ve tiput aghedi pa mbeb tonowen anunu.^j

²¹Mbeb ru tonowen ndaaba todi paam, Ŋgeu to ineep izala hos pisosoonja pogho, imbut di pa buza to ineep ila avo, le tisob timatmaat. Ghoro man

c 19:11 Mbo 45:3+, 96:13; Syg 1:5, 6:2 **d 19:12** Dan 10:6; Syg 1:14, 2:18

e 19:13 Is 63:2+; Yo 1:1,14 **f 19:15** Syg 1:16, 12:5, 14:19+ **g 19:16** 1Tim 6:15; Syg 17:14

h 19:17 Ezek 39:17+ **i 19:19** Mbo 2:2; Syg 16:14+, 17:12+ **j 19:20** Dan 7:11;

Syg 13:13+, 20:10

tisob tiroov tila, ve timbutur izala poghodi, ve tighan tighan le apodi isunj.

Ndaman ndiñndiñ eez (1000)

20¹ Muri ghoru, matag ila le naghita aņela ite ineeep sambam ve izi inim. Ye ikis ki to saambu to le pughu maau ne, toman sen tiina eez to ariana kat.^k

²⁻³ Ye izila ve ikis moot to ineeep muunj kat ve inim. Moot tonowen, tiwaat iza tighaze: ‘Ijgeu Samia’ ve ‘Sadana.’ Aņela tonowen ikau pa sen le tunja, ve ipiyaava izila saambu to le pughu maau ne, ve ipoon saambu tonowen avo le tunja kat. Ye pale ineeep tonowe irau ndaman ndiñndiñ eez (1000). Leso itombaan tamtoghon to ndug ndug muul sob, le ndaman ndiñndiñ eez (1000) tonenen isob. Ghoru tipool sen pani, ve tipuli ivot ilaagh ris.^l

⁴ Ve naghita yes to Maaron ighur di pa uraat to gabizoņ, mboledi izi ila inadi to ghamuunj pooz. Ve naghita Kriisi tamtoghon toni to timbut motin luadi ne anunudi paam. Ndiran tonowen tiput aghedi pa mbeb samia ve mbeb tonowen anunu maau. Ve tigham ghilaloņ toni ila ndamodi ve nimadi maau. Yes titaghon Maaron aliņa, ve tipariaaņ tamtoghon pa tighur ila to Yesu. Tovenen yes timundig pa mateeņ muunj, ve yesņa Kriisi tigham pooz pa ndaman ndiñndiñ eez (1000) tonenen.^m

⁵ Nene mundigiinj to mateeņa to ivot muunj. Ve mateeņa pida, yes pale tisaņan le ndaman ndiñndiñ eez (1000) tonenen isob, ghoru anadi timundig.ⁿ

⁶ Yes to timundig pa mateeņ muunj, nene Maaron tamtoghon toni patabuaņa. Yes pale tinidi iza pa poia to Maaron to iza todi. Ve mateeņ to inim ru pani, nene le tapiri eta pa itatan di maau. Ndaman tamoot liim (1000) tonenen, yes pale tinim ndiran to watoņra pa Maaron ve Kriisi, ve yesņa Kriisi tigham pooz.^o

Ijgeu Samia ilale

⁷ Ighaze ndaman ndiñndiñ eez (1000) tonenen isob, nene pale tikaak saambu to tipiyaav Ijgeu Samia ilooņ ila, ve tipuli ivot. ⁸ Ghoru ila itombaan ndug ndug irau taan isob, ve ilup di lesu tigham malmal pa Maaron tamtoghon toni tinimale Gog ve Magog.^p

Maaron koia tonowen, irau tanin di maau. Yes ival kat tinimale magargaar to naari.^q

⁹ Yes pale tineep taan dige to naol, ve tila tivot ndug to Maaron tamtoghon toni tineep pani. Ve tiluvutin di toman ndug tiina Yerusalem to Maaron lolo pani kat, lesu tigham malmal padi. Eemoghon yab to

k 20:1 Syg 9:1 **l** 20:2-3 Lu 10:18+; Yo 12:31; Syg 12:9 **m** 20:4 Dan 7:27; 1Kor 6:2+; 2Tim 2:12; Syg 3:21, 5:10 **n** 20:5 1Tes 4:16 **o** 20:6 Ro 5:17; 1Pe 2:5,9; Syg 1:6, 2:11, 20:14 **p** 20:8 Magog ve Gog, nene tiza to yes ndug ndug to tighur koi pa Maaron ve tamtoghon toni. Ughita Ezekiel 38:2,8+. **q** 20:8 Syg 16:14

Maaron pale ineeƿ sambam izi inim, ve ighan koia tonenen tisob tilaledi.¹⁰ Ve Ŋgeu Samia to itombaan di tinim ne, Maaron pale ipiyaava izila saambu tiina. Nene saambu to yab ighanghan ila, ve yaam salfa to vuzi samia ivotvot pani. Ndug tonowen, to papazogi tipiyaav mbep samia yesuru ita ite to propet kaarom tizila. Tovenen yes tol pale tineep tonowe, ve tigham yabyabuŋ tiina kat. Ve yabyabuŋ todi irau isob ne maau. Pale igham di irau mboŋ ve ndag, ve inepneep tovene itaghone taghoni gha ila.^r

Maaron ینگabiiz tamtoŋhon

¹¹ Ghoro matag ila le naghita Maaron ineeƿ ila ina to ghamuŋ pooz to pisosooŋa ve tiina kat. Ve taan toman mbep to sambam paroŋania tighaze tighau pa ye mata. Eemoghon ledi ndug eta pa tiyoŋ pani maau.^s

¹² Ve naghita mateeŋa tisob tiyoŋ ila Maaron ina to ghamuŋ pooz nagho. Yes to izadi tintina, ve yes to ledi izadi maau ne paam. Ghoro tiraav rau pida. Rau tonowen, ŋgar naol to tamtoŋhon tigham di ne, timbood di ila. Ve tiraav rau ite. Nene rau to nepooŋ mataad yaryaara. Tovenen Maaron mata itaghon rau ru tonowen, ve ینگabiiz di itaghon ŋgar todi todi.^t

¹³ Sawa tonenen, te ipul yes mateeŋa to tineep ila lolo tila. Ve Mateeŋ toman ndug to mateeŋa paam. Tipul mateeŋa tisob tila. Ghoro Maaron ینگabiiz tamtoŋhon tisob itaghon ŋgar todi todi. ¹⁴ Ghoro tipiyaav Mateeŋ toman ndug to mateeŋa tila saambu tiina to yab ighanghan ila. Leso tilaledi. Yab tonowen, nene mateeŋ to inim ru pani.^u

¹⁵ Tovenen sei to ighaze iza ineeƿ ila rau to nepooŋ mataad yaryaara maau, nene pale tipiyaava izila saambu tiina to yab ighanghan ila.^v

Sambam ve taan papaghu

21 ¹ Ghoro matag ila le naghita sambam paghu ve taan paghu. Pasa, sambam ve taan to tivot muŋ, nene tilaledi wa. Ve te tovene paam, ineeƿ muul maau.^w

² Ve naghita ndug patabuaŋ to Maaron. Ineeƿ toni to sambam we ve izi inim. Ndug tonowen, Yerusalem paghu. Ye igharaat tau le paghuna kat, inimale liva to ighaze ila pa vaiuŋ tamoot to tisia pani.^x

³ Ghoro naloŋ bobaan tiina ivot ila Maaron ina to ghamuŋ pooz ve inim ighaze: “Aghita. Maaron ighur ina to nepooŋ ineeƿ ila tamtoŋhon

r 20:10 Mbo 11:6; Syg 14:10+, 19:20 s 20:11 Mt 25:31+; 2Pe 3:7,10+

t 20:12 Dan 7:9+; Mt 16:27; Ro 2:6; 2Kor 5:10 u 20:14 1Kor 15:26,54+; Syg 2:11

v 20:15 Mt 13:40+, 25:41 w 21:1 Is 65:17; 2Pe 3:13 x 21:2 Is 61:10; Ga 4:26; Hib 12:22; Syg 19:7

lolodi wa. Aazne ve ila, ye pale ineep toman di ve inim Maaron todi. Ve yes tinim ye le kat, ve tilup di tinim ee moghon.^y

⁴Ye pale imus matadi suru isob ilale. Ve mateen, monjiin, tanjiiz, ve yabyabuun irau tivot muul maau. Pasa, nepoon to muun isob wa.”^z

⁵Ve ngeu to inepneep ila ina to ghamuun pooz, isaav ighaze: “Uloon. You naghhamgham mbep tisob tinim papaghu.” Ve isaav payou muul ighaze: “Saveenj tiou tonene, nene onoon. Tamtoghon irau tighur ila kat. Tovenen umbooda.”^a

⁶Ve isaav muul ighaze: “Tau tonene. Isob wa! You naneep mungaen, ve naneep muri kat. You nanim pughu pa mbep to naol ne, ve you to napasob di. Ighaze tamtoghon eta muruni, you pale naghham a ya mata yaryaara to bokbokia. Ya tonene, le atia maau. Pale naghham pani sorok.”^b

⁷Tamtoghon to ighaze iyoona ariana ve ilib pa tovaan, ye pale iza pa igham mbep popoia naol to nasavia di ne. Ve you pale nanim Maaron toni, ve ye inim natug.^c

⁸Eemoghon yes to timatughez ve tipul ghurla todi, yes to tighur ila maau, yes to ŋgar todi iŋgalaan ila Maaron mata maau, yes to tirab tamtoghon timaat, yes to tighur maat, yes mura, yes to timbesmbees pa maaron kaaromja, ve tamtoghon tisob to avodi kaarom, ndiran tovene inadi, nene saambu tiina to yab ighanghan ila, ve yaam salfa to vuzi samia ivotvot pani. Nene mateen to inim ru pani.”^d

Yerusalem paghu

⁹Ghoro anjela eez inim tiou, ve isaav payou ighaze: “Unum ve ughita liva tonene. Ye pale ivai Sipsip to Maaron ve inim azuwa.” Muun, naghita anjela liim ve ru tikis oon enaenja le irau di. Oon todi tonowen tivon pa patajani liim ve ru to tipasob Maaron mbalmbali toni. Anjela to isavsaav payou ne, ye todi eez.^e

¹⁰Rikia moghon ve Maaron Avuvu tapiri iza tiou, ve anjela tonowen indae ghou nazala lolooz tiina eez to daba izala kat, ve ipatoon ndug patabuan Yerusalem payou. Nene ineep to Maaron to sambam we, ve izi inim.^f

¹¹Maaron nguruba igham ndug tonowen isul. Ghitoonja ite kat. Nene inimale yaam milmilia to atia tiina, ve inimale yaam yaspa to ŋgalaan kat inimale galas.^g

¹²Ve didiin ariana iluvuti. Didiin tonowen izala kat, ve le ataam tintina irau saangul ve ru (12). Ataam tonowen, anjela saangul ve ru (12) tinjin di, ve timbood rumai saangul ve ru to Israela izadi ila.^h

y 21:3 Wkp 26:11+; Ezek 37:27; 2Kor 6:16; Syg 7:15+ z 21:4 Is 25:8; 1Kor 15:26

a 21:5 Is 43:19; 2Kor 5:17 b 21:6 Is 55:1; Yo 7:37; Syg 1:8, 16:17, 22:17

c 21:7 2Kor 6:18; Hib 8:10 d 21:8 1Kor 6:9+; Ga 5:19+; Ep 5:5; Syg 20:15

e 21:9 Ep 5:25+; 2Kor 11:2; Syg 19:7+ f 21:10 Hib 12:22+; Syg 3:12 g 21:11 Is 60:1+; Syg 22:5 h 21:12 Ezek 48:30+

¹³Ataam tonenen, tol tineep ila pa rag, tol tineep ila pa kagu, tol tineep ila pa daudau, ve tol tineep ila pa yavaar. ¹⁴Didiin̄ to ndug tonowen iyoon izala yaam tintina saangul ve ru (12) to tinim pughu pani. Yaam tonowen, timbood Sipsip to Maaron mban̄ooŋa toni saangul ve ru izadi ila.ⁱ

¹⁵Aŋela to isavsaav payou, ye le ai milmlilia eez to tovaan̄ mbeb, lesu itoov ndug tonowen, ve didiin̄ to iluvuti toman ataama. ¹⁶Aŋela itoov ndug tonowen mala toni, le irau 12,000 stadia.^j

Ve tuku toni, toman lolo sala ve izi inim, nene raraate moghon. ¹⁷Ve itoov didiin̄ le irau nima ŋgari 144. Tovaan̄ tonene, nene aŋela itaghon tovaan̄ to tamtoghon. ¹⁸Didiin̄ tonowen, tigharaata pa yaam yaspa. Ve ndug tiina, tigharaata pa gol to milmlilia ve ŋgalaan̄a kat inimale galas. ¹⁹Yaam tintina to didiin̄ ariana to ndug tonowen iyoon izala poghodi, tipambood di pa yaam popoiadi saangul ve ru to atiadi tintina ve bodeen̄adi naol naol.^k

Yaam tovene: Yaspa, sapaia, aget, emeral, ²⁰oniks, karnelian, krisolit, beril, topaz, krisopres, haiasin, ve amatis.^l

²¹Didiin̄ ataama saangul ve ru, tigharaat di pa mbeb saangul ve ru tinimale ŋgool atulu to milmlilia kat ve atiadi tintina. Ve ataam to itaghon ndug lolo, tigharaata pa gol to poia kat ve ŋgalaan̄a inimale galas.

²²Naghita rumai eta iyoon tonowe maau. Pasa, Tiina toit Maaron, to tapiri tiina kat ilib pa mbeb to naol ne, yesuru Sipsip toni tineep tonowe. Tovenen yes taudi to tinim rumai pa ndug tonowen. ²³Ndug tonowen le uraat eta pa ndag ma kaiyo muul maau. Pasa, Maaron tau ŋguruba, tauto isul ndug ve ighami ighazooŋ. Ve Sipsip to Maaron to inim lam pani.^m

²⁴Tamtoghon to ndug ndug pale tilaagh ila ghazooŋa to ndug tonowen. Ve yes kinik to taan pale tilooŋ tila toman paitooŋ todi, ve tipait Maaron.ⁿ

²⁵Ataam to didiin̄ ariana to iluvut ndug, tivoolvool maau. Tikakaak irau sawa isob. Pasa, ndug tonowen, ndoroom maau. ²⁶Ndug ndug pale tilooŋ tila ndug tonowen toman paitooŋ todi, ve tipait Maaron. ²⁷Eemoghon mbeb to tin̄galaan̄ maau, eta irau ilooŋ ila maau. Ve ighaze tamtoghon eta ighamgham ŋgar samsamia, ma ighamgham kaarom, ye paam irau ilooŋ ila maau. Ndiran to izadi ineep ila rau to nepooŋ mataad

i 21:14 Ep 2:20 **j 21:16** 12,000 stadia, nene irau 2200 kilomita ma venen. Nima ŋgari 144, nene inimale roov 36. Yes ŋgara pida tighaze 12,000 stadia, nene saveen̄ palelaan̄. Iza to Maaron tamtoghon toni tisob. Yes ival le ival kat. Tanin di, pale taraua maau. Tovenen ndug to yes pale tineep pani, nene tiina le tiina kat. **k 21:19** Muun̄, daba to watoon̄rau le mbeb inimale lugluug to imonau ila ate, ve yaam saangul ve ru tonene tineep ila lolo. Saveen̄ tonene avaat pughu tovene: Tamtoghon to ndug sambam (o lupuuŋ to Krisi aazne paam) irau tineep tigharau Maaron ve timbees pani inimale muun̄ daba to watoon̄rau ighamghami. **l 21:20** Igham 28:17+; Is 54:11+ **m 21:23** Is 60:19+; Yo 1:4-5, 8:12; Syg 22:5 **n 21:24** Mbo 72:10+; Is 60:3,11

yaryaara to Sipsip to Maaron iŋgini, yes moghon to irau tilooŋ tila ndug tonowen.^o

Ya to nepooŋ mataad yaryaara

22 ¹Ghoro aŋela tonenen ipatooŋ ya to nepooŋ mataad yaryaara payou. Ya tonowen, milmiliala ve iŋgalaŋ kat inimale galas. Ve ivot ila Maaron yesuru Sipsip toni inadi to ghamuunŋ pooz, ve ireer ivot.^p

²Ya tonenen ireer itaghton bodbodaŋ to ataam tiina to itaghton ndug lolo. Ve ai to nepooŋ mataad yaryaara iyoon ila ya tonenen paŋa ru. Ndaman tisob, ai tonowen anoŋa ivotvot pa saŋgul ve ru. Tovenen anoŋa ivotvot irau kaiyo to naol ne. Ve raua tineep pa tigharaat tamtoŋhon to ndug tisob, leso tineep pooi.^q

³Patanaŋi naol to muuŋ Maaron ighur di tiŋarua tamtoŋhon pa sosor todi, nene tisob wa. Irau tivot muul maau. Ve Maaron yesuru Sipsip toni inadi to ghamuunŋ pooz pale iyoon izi ndug tonowen. Ve Maaron mbesooŋa toni pale tineep tonowe, ve timbesmbees pani.^r

⁴Yes pale tighita katin nagho. Ve ye iza ineeŋ ila ndamodi.^s

⁵Ndug tonowen, mboŋ muul maau. Ve tamtoŋhona ledi uraat pa lam ma ndag muul maau. Pasa, Tiina todi Maaron ŋguruba igham ndug ighazoŋŋ padi. Ve yes pale igham pooz irau sawa isob.^t

Mala maau pale Yesu imuul inim

⁶You naghita mbep naol tonene le isob, ghoro aŋela tonenen isaav payou muul ighaze: “Saveeŋ tonene, saveeŋ onoon. Tovenen tamtoŋhon irau tighur ila kat. Iŋgeu Tiina, ye Maaron to ipamundigin yes propeta toni ve tivotia aliŋa pa tamtoŋhon. Ye imbaaŋ aŋela toni inim, leso ipaghazonjan yes mbesooŋa toni pa mbep to mala maau pale ivot itaghton ŋgar toni.^u

⁷“Ve ulooŋ. Yesu aliŋa ilat payom ighaze: ‘Mala maau you pale nanim.’

Tamtoŋhon to ighaze mata kisin Maaron aliŋa to ineeŋ ila rau tonanan ve itaghoni, ye pale tini iza pa poia to Maaron to pale iza toni.”^v

⁸You Yoan taug nalooŋ ve naghita katin mbep naol tonene. Aŋela ipatooŋ di payou le isob, ghoro natap nazi aghe pughu naghaze napaiti.

⁹Eemoghon ye iŋgalsekin ghou ighaze: “Wai, ugham vene malep! You mbesooŋa to Maaron nanimale yom, toman toŋvetaz tiom to tinim propet to Maaron ne, ve tamtoŋhon tisob to matadi kisin saveeŋ to

o 21:27 Is 52:1; Lu 10:20; Syg 3:5, 22:14+ **p** 22:1 Ezek 47:1; Sek 14:8; Yo 7:37+

q 22:2 Mbnp 2:9, 3:22; Ezek 47:12; Syg 2:7 **r** 22:3 Mbnp 3:17; Ezek 48:35; Syg 7:15

s 22:4 Mbo 17:15; Mt 5:8; 1Kor 13:12; 1Yo 3:2 **t** 22:5 Is 60:19+; Dan 7:27; 2Tim 2:12;

Syg 5:10, 21:23 **u** 22:6 Syg 1:1+ **v** 22:7 Syg 3:11

ineep ila rau tonanan ve titaghoni. Tovenen upait ghou malep. Yom irau uput aghem pa Maaron ve upaiti, ghoru poia.”^w

¹⁰Ghoru isaav payou muul ighaze: “Maaron aliŋa to ineep ila rau tonanan, unŋooza malep. Pasa, sawa to saveenj anoŋa ivot, nene inim igharau wa.”^x

¹¹Tovenen ighaze tamtoghon eta ighamgham ŋgar to denja maau, nene ye ila pa nagho moghon! Ve ighaze tamtoghon eta ighamgham ŋgar to ingalaan maau, nene ye paam, ila pa nagho moghon. Eemoghon tamtoghon to ighaze ighamgham ŋgar denja, nene ye irau mata kisin ŋgar tonenen ve itaghoni. Tovenen yes to Maaron igham di tinim tamtoghon toni patabuaŋa, irau matadi kisin ŋgar patabuanj ve titaghoni.”^y

¹²“Alooŋ. Mala maau pale nanim ve naghur atia pa tamtoghon tisob itaghon ŋgar todi todi.”^z

¹³“You naneep muŋgaan, ve naneep muri kat. You nanim pughu pa mbep to naol ne, ve you to napasob di. Mbep tisob pughudi, nene you. Ve mbep tisob tineep pa titaghon ŋgar tiou.”^a

¹⁴Yes to timen nonogiŋa todi le tiŋgalaan, nene pale poia to Maaron iza todi ve tinidi iza. Pasa, yes pale irau tighan ai to nepooŋ mataad yaryaara anoŋa, ve titaghon ataam tilooŋ tila pa ndug tiina to Maaron.”^b

¹⁵Eemoghon yes to matadi samia tinimale ŋgavuun, ve yes mura, yes to tighur maat, yes to tirab tamtoghon timaat, yes to timbesmbees pa maaron kaaromŋa, toman tamtoghon tisob to lolodi pa ŋgar to kaarom ve tighamgham kaarom, yes irau tilooŋ tila ndug tonene maau. Pale tineep pumuri.”^c

¹⁶“You Yesu to nambaanj aŋela tiou ilat ve isavia saveenj tonene pa yam to aneep ila lupuuŋ tiou irau ndug ndug. Leso napariaanj gham pa aghur inim tiou. You paghu to David. You ai matasupu to navot ila toni. Ve you pitum Daga to mbonmaagh to iran kat.”^d

¹⁷Maaron Avuvu yesuru liva to ighaze ivai, tisaav tighaze: “Unum!” Ve yes to tilooŋ saveenj tonene paam, tisaav raraate tighaze: “Unum.” Ighaze tamtoghon eta muruni, ghoru inim ve ighun ya mata yaryaara to le atia maau.”^e

Yoan isaav ariana pa yes to tiwaat saveenj toni

¹⁸Tamtoghon tisob to tilooŋ Maaron aliŋa to ineep ila rau tonene, you avog iyaryaŋ padi tovene: Ighaze tamtoghon eta iseenj saveenj ite

w 22:9 Syg 19:10 x 22:10 Syg 1:3 y 22:11 Ezek 3:27 z 22:12 Mt 16:27;

Ro 2:6, 14:12 a 22:13 Is 44:6, 48:12; Syg 1:8, 21:6 b 22:14 Mbnp 3:22;

Syg 2:7, 7:14, 21:27 c 22:15 1Kor 6:9; Ga 5:19+; Syg 21:8 d 22:16 Nam 24:17; Is 11:1+;

Syg 2:28, 5:5 e 22:17 Is 55:1; Yo 7:37+; Syg 21:2,6

paam ila toman Maaron aliija tonene, Maaron pale ighur patajanani to rau tonene isavia di tiza toni.^f

¹⁹Ve ighaze tamtoghon eta ipas Maaron aliija pida to ineep ila rau tonene ve ipuli, nene pale Maaron imus iza ighau. Ye irau ighan ai to nepooj mataad yaryaara, ve ineep izi ndug patabuaaj to rau tonene isavia ne maau.^g

²⁰Tovenen ngeu to ivotia mbeb naol tonene ve ipariaaaj saveeja, ye isaav ighaze: “Onoon kat, mala maau pale nanim.”

Nene onoon. Yesu, Tiina tiei, unum lak!^h

²¹Poia to Tiina toit Yesu iza to yam asob. Onoon.